

Maki Naña Pol Siria Pa Pan Li Nalelagaena Wa Lala Nae Garu ROM Visayuena Na Tusi Nene

Kom̄pasnen sunienas plas na tusi nini

Pol siri m̄aki nini vena kila ruruen kiena mrapa, naña sinenan sape va visu li nalelagaena lala gar Rom. E kiena sitomiena, naga sinenan sape yum̄ae re yam ve plas ga amio li nalelagaena la nae yo nene, vena siraunia aiila naga naña sinenan sape yalen silau va garu Spen. Pol kilia ruru naña visae yaru lelaga e Yesu Kristo, a imi ve yaru kiena Yesu naña taveve kiena ūelaga e kiena maliena, yaru nene yoko ve yaru mesmesu e marana Ntewa. Ana komin suri ne na nene, naga siri m̄aki nene vena visawlaen ūelaga na lelagaena naña po van li nalelagaena lala gar Rom. Tusi nini puara purp̄esnen sitomiena kiena Pol e mrapa la naña yaru kilia lelaga e Kristo.

Sumo, naga pisa pokolemalo pan li na sum̄are lala nae Rom, a pisawal panla sape naga sum̄a mlotu wola. Ana siraunia, pisawal si purp̄esnen sitomiena na m̄aki nini, naña pisape “Lologena wo nene naga sum̄a kilologia ke ūelaga lala naña yaru kilia imi mesmesu e marana Ntewa. Siar e purp̄esia va tol luwasia, ūelaga nena m̄alivi ke e ita kom ga e lelagaena.” (1:17)

E tusi nini, Pol pisayu ruru va moki kiena purþesnen sitomieno. Naga sape yaru make ga, pe suri korena ga naþa visae ape lus nae Israel pona pe ape lus nae re Israel poli, ana ita punuga maran taaga, tesike vatanon m̄areraena na milamulena viowa.

A yaru kilia imi ve yaru mesmesu e marana Ntewa, visae naga lelaga ga e Yesu Kristo. Suri si tai, Pol pisayu maliena naþa yaru sikol ruru naga amio Kristo, e malena viu naþa yaru pimi mesmesu e marana Ntewa. Yaru naþa lelaga e Kristo, naga pe marawo amio Ntewa, a Ninunane Ntewa kilia visaruru kiena maliena, naþa kilalua naga vetan milamulena viowa, a kila naþa m̄areraena na milamulen viowa amio marena pe aþuar re si naga poli. A siari e marana na keviu 5 pa tol marana na keviu 8, Pol pisawal sanape naþa Ntewa mila navisaluaena pa kiena yeririna na sumo lala, a pisawal m̄ena þelaga naþa Ninunane Ntewa sumña miyumñae ke e malena kiena yaru naþa mleлага e Yesu Kristo.

A naga pisayu m̄enaga naþa lus nae Israel lala, a la naþa pe ape lus nae re Israel poli, la punuga akilia asikol la e namaplarena naþa Ntewa. Kila vena yaru na yomarava la atavevea. Pogos naþa sape visi þisi narui, naga sape þelaga naþa lus nae Israel la asumña apilon m̄asila pa Yesu, Ntewa naga kilia sape yoko ve sanene, ana kila naþa naga sinena miyee makega yeririna na yomarava, ana pitetalia Yesu pimi, vena ita naþa teleлага ea, tekilia teimi mesmesu e marana Ntewa. A Pol mleлага sape lus nae Israel lala,

yoko la na tāpatete avilon masilia va Yesu silaga,
monar avilopu la yam tai.

Pito e luwasnen māki nini, Pol pisayu ūelaga
nāpa li naleлагаena la monar atavevea e kiela
maliena lala, a metavan mēna nanene pisayu
ūelaga nāpa ita monar sineta si yaru tāpena
lala. Pisayu ūelaga nāpa yaru tavevea e yumāena
kieno Ntewa, a ūelaga nāpa li naleлагаena la
monar akila van pārin sūpe lala na purvanua,
pona va yerkawa tāpena lala. A naga pisayu
ūelaga nāpa li naleлагаena la monar asitom
ruruia vena re akila kare re sitomena kieno yaru
tāpena. E luwasnen kieno māki, naga amio kieno
erau lala apisa kiela visena na potena pan kiela
erau tāpena lala garu Rom, a kieno visena maro,
pisawal visena tai na yeluaren Ntewa.

Kom̄pasnen tusi la na nini

Visena ūesa amio purp̄esnen sitomieno na
māki 1:1-17

Yaru makega monar awar malena viu nāpa
Ntewa kian pimi 1:18—3:20

Mrapa kieno Ntewa na tamaliaen yaru 3:21—
4:25

Maliena viu kieno yaru nāpa sikol naga amio
Kristo 5:1—8:39

Namaplarena kieno Ntewa pa kieno lus nae
Israel lala 9:1—11:36

Pelaga wo nāpa li naleлагаena la monar
ataveveia 12:1—15:13

Visena maro 15:14—16:27

Visen ūesia

¹ Erau nae Rom lala:

Inu Pol nevisa pokolulagi pona pokolemalo van amiu e kia kiena Yesu Kristo, naña in na nepe kiena yar na yumñaena, in na nepe nalologena ke naña Ntewa pio inun narui, mligan lua inu vena neyumñaen navisawalen kiena lologena wo viu nene.

² Lologena wo nene, naga sike loyumña e visena lala na Nasiriena Wa kiena ne Ntewa rui, nane e visawalena lala naña kiena navisawalena lala apisawal na konua konua rui pimi. ³ Pupia sur naña lologena viu nene pisawalia, nane Yesu Kristo kiesta Supe, naña pe narina ne Ntewa naña mligan naga pimi mälivin ita e yomarava nini. Naga ke narui naña e lepas na mratava puna, tekilia tevisave naga molue nenaga e lus kiena ne yermarua Parin Supe Tepet. ⁴ Ana e lepas na ninuna, naga pe wa pañisi, naga molue ruru nenaga kome lus kiena ne Ntewa. Amemar naga mare, ana e kiena pupia mareraena, Ntewa kila naga mal ruru sina ga. Ana tekilia tevisu kilale ruru tesape lelaga, kiesta Supe nene naga pe narina ne Ntewa kemua lelaga.

⁵ Naga ke narui naga pisirlua inu nepe nalologena, a mligan lua inu vena nevano e ñegas nen yeririna tapena la naña pe ape Yu re poli, vena la mëna ga akilia alelaga e Ntewa, vena akilia alogear kiena visena. Yumñaena na sanene naga pe nalaena wo tai naña Supe mla pan inu, ana nekekaran nakilaena vena kiena kia va metava.

⁶ A nagane, nesumña nekila ke yumñaena nene e amiu, komin naña amiu mëna kiamiu kia sike loyumña e, amiu mëna amio li tapena la nene naña Ntewa pio la, vena aim ave yeririna kiena

Yesu Kristo. ⁷ Amiu yeririna mēna la naña naga sinen si amiu papisi, naña naga pisirlua amiu ape kienā li nalelagaena wa lala e pupia pulkumali naña Rom, nane nekekaran manene narui nesiri māki nini pimāsu pan amiu.

Nesiri sanene, nemlen nesape lemamiena a našinesiena kienā ne Arimata Ntewa amio kieta Supe Yesu Kristo, pimi keviu e kiamiu malena la peve taaga.

Pol sitom manene pañisi vena va ñalivin la gar Rom

⁸ Sumon naña nevisawal sur lañas van amiu, nemlen e kia kienā ne Yesu Kristo, nepisa potena keviu pan kieta Ntewa vanon amiu. Nesape nekila ve sanene, komin nanagane, visena e lepas na kiamiu ñelaga wo na sumálun ñareraena e lelagaena e Kristo, naga sumá pa mlewo make yo moki narui. ⁹ Sur nene kila nekekara papisi, komin naña nemiyumāe kienā ne Ntewa nakonua rui nemio kiau malena wetelu, nemiyumāen visawalen lologena wo naña pisayu narina. A naga kilia má naña nesumá nesitomál amiu silaga e kiau leniena, ¹⁰ a nesumá nepiun ke mēna tania nesape visae mesmes ga e kienā nasinenanena, yoko naga kila kiau mrapa vena nekilia neim nomálivin amiu. ¹¹ Sineun manene naña neim nevisu amiu vapisi, a visae nekilia neim nelipere re nalaena kienā Ninuna Wa vena kila amiu amarera laa sane, vera na wo vapisi. ¹² Nemlelaga nesape kiau viawaena kilia iilar amiu, a sineun neimi vena kiamiu viawaena kilia iila inu mēna ga, a visae sanene ita tesumá temiila ruru ita ke sina ga.

13 Erau lala, sineun nesape akilia naña sane yam mok liu, noñion vimñasen pun amiū papisi, ana silaga mrapa pe po re poli komin sur lañas suwo ga yo, kila narui pe nepimñas re poli wa. Ana sineun imñasen papisi, vena kiau yumñaena kilia war mrasa e amiū naña amleлага rui, sa naña þar mras rui e la naña pe ape Yu re poli e yo taþena lala. **14** Yumñaena naña sike e lumña naga sanini, sane monar nelologo nenaga van ita, ita le Yu lala, a van mëna yeririna taþena lala, a monar nelologo van la naña akilia suria a la mëna naña pe akilia re sur poli, **15** nane kila narui sineun neim nevisawal lologena wo van amiū e kiamiu pupia pulkumali naña Rom.

16 Lologena wo nene, nane mrapa taaga ga naña namareraena kienā ne Ntewa miyumñae ea vena la tamaliaena van yaru, kila sane silaga pe nemawan re visawalen poli. Lologena wo nene pimi mñaliv þesan pun ita le Yu lala, siraunia mlewo palilue pun la naña pe ape Yu re poli, ana yar ai naña lelaga, yoko lual malena ea. **17** Lologena wo nene naga pe kieta mrapa na kilaen naña teim temesmesu sina e marana Ntewa, vena ve tetol re si nakoaena vanon kieta mlamulena viowa lala, ana popon tekilia sane monar tesiar amio naviawaena, a yoko toþisin amio naviawaena, komin naña sane visena marua tai kienā ne navisawalena Aþakuk pisa, pisape

“Yaru naña visae wasine ga Ntewa,

yoko Ntewa kila naga imi mesmes ruru ne-naga, nane mrapa nenaga nene vena tolen malena.”

¹⁸ Mrapa na tolen malena tomā ga, ana pārmārera a napiowaena pule manene laa likan yeririna la nañpa pe ape Yu re poli e yomarava nini, kila sane asuwo manene visena lelaga lala kienā ne Ntewa, ana sanene tepisu nañpa Ntewa sike ma e peni, kienā sinemimiena monar imi mālivi kilapel la nenaga. ¹⁹ Naga sumā pī plan ke kienā pēlaga wo lala pimi mālivi e yometava e maran yeririna la rui, ana popon avisu kilalea, ana pe sinelan re kiliaena poli. ²⁰ Lelaga sane Ntewa naga pe pe yar re poli, ana yar tañpatete visuia, ana siar e nasiiena yomarava nini pimi tol nagane, yar la asumā apisu ke kienā pēlaga wo lala, ana akilia apisu kilale asape naga pe Ntewa kemua lelaga. Visae avisu ga kienā nasiiena lala vera na tañpatete si aviuñ avisave amā naga ai.

²¹ Visae peraga, akilia asape Ntewa sumā ga, ana pe akilali re nañpa sinelan akila kiela sitomena su vatanon poli, pe akilali re nañpa sinelan visaen potena van poli vanon kienā nawoena la pan la. La pe asitom re sur ta poli, pano pano-ko kiela sitomena lala pulen make ga yemalolo. ²² Asitom ke asape ape manmarua, ana apa ape wowe make la, ²³ a pe amlotun re si Ntewa nañpa tañpatete si mare pogos tai poli. Yepel mavin ga naga, ana amiyumāen ga nono la nañpa aþpar maran yaru pona maran manu pona maran sur mal la ne sane nopi lala pona ya, ana asitom ke asape alotun ga sur la ne sanene narui.

²⁴ Pogos naña akila sanene, Ntewa sinen maren kiela þarmarera la nene, ana mligan la vena asumña akilakila ga napiowaena ya naña la sinelania. E pogos nena nene narui tevisu naña yar la asumña akila þelaga na mawaena lala e tasnela, ²⁵ a monar ve sanene, komin akovenlua visena lelaga kienan ne Ntewa, amligan visokanena kus lelena, a pe amlotu re si Ntewa naña popon ayeluar kienan kia wa silaga, ana apatanon ga sur la naña naga sii la.

²⁶ Apilopu kare suri make sanene, ana Ntewa pe pisaluþpar la re si poli, ana tamian la apa akila þarila amio kiela nasinenanena viowa lala. Sa naña sira lala pe apa re si amio yermene poli, ana apa amio ke sina ga sira, ²⁷ a yermene mëna lala pe asitom re si asape popon atalopa amio sira poli, sa naña Ntewa pisa pisape popon akila, ana la asumña sinelan ga yaru, asumña apa amio la ke sina ga e þelaga naña temawan visayuena. Yumñaena la ne sanene pe mesmes re nena poli, a la naña asumña akilakila ke sanene, yoko e kiela malena lala, alual ga nakoena la naña torokin yar naña kila sanene monar kusia.

²⁸ Yar sur la ne sanene, pe asitom re Ntewa poli e kiela malena lala, pe sinelan re mëna kiliaena poli, ana Ntewa pe pisaluþpar la re poli, ana mligan la vena kiela sitomen viowa lala were la ava nena e þelaga viowa lala. ²⁹ Akila mña sanene pano-o opisu kiela malena pimi pulen þelaga na kilaroen navisaluaena, amio napiowaena lala, navinayaena, amio sitomen viowa lala na kila kareen yar taþena. Amlooi, amemomar yar lala,

apeveyun la, apisokani, sinela kar yar tañena lala, asumña apisasayu la,³⁰ apisatamñela, a e lepas kiena ne Ntewa, la pe sinelan re nena ga. A amio ñelaga viowa la nene, ape ñarmarera pañisi, aþarwar la, apis vilave, amaplar na kilaen sur viu viowa lala naþa nanua sumo na peraga, a pogos naþa kiela yermarua la apis pan la, pe sinelan re nena loge laen poli.³¹ Yar la nene tekilia tevisave la pe ape manmarua re poli, pe apuarar ruru re kiela navisaarena poli, pe ape lemam re poli, pe kiela nasineyeena re nena poli.

³² Akilia ruru visena kiena ne Ntewa, akilia mña naþa Ntewa pisaar marena pa yeririna la ne sanene rui, ana pe asitom re nena ga. Asumña akila luen ga sanene, a metavania, akekarman manene pañisi naþa visae avisu kiela erau tañena la asumña akila ke viowa sanene amio la.

2

Ntewa naga taaga lipere yaru lala

¹ Sanene, visae ko na yere Yu tai naþa osumña opisu ke napiowaena kiena yaru tañena la nene, yoko ositom ve sanape? Pona ositom osape ko na opo, la apiowa ga, ana peraga, napiowaena naþa teke e ko maran taaga, ana tañatete si ovise sur tai. Ko ope yar na lipereen yar tañena lala, ana osumña omliþere ko ke ga ne, komin osumña okila ke sur torokin ke naþa omliþere la vanonia.
² Ana sane tekilia mña, yoko Ntewa la nakoaena va la make naþa akila piowa sanene maran ve taaga.

³ Pona ko tai naña ositom ke osape ko na opo yo, komin naña opis ke pa yar na kilaroen navisaluaena, ana ko mëna ga osumña okilarovia, ana pe pon re ositom ovisave yoko nakoaena naña Ntewa lavia taþatete tol ko. ⁴ Pona ositom ke osape Ntewa pe lemam paþisi yo, naga sinen miye yaru, pona kiena sitomena piavi, nane ositom ke osape taþatete kila sur tai van ko yo? Ee, Ntewa po paþisi sane osumña opisa ke ne, ana kiena lemamieno pe tamän ko re naña osumña okilaroro navisaluaena poli, ana vena were koena ovilon ko vetan mlamulena viowa naña osike ea.

⁵ Ana ko na pe otamän re nena naña ovilon ko poli, okila luen ga þar märera pa mäga, ana sanene osumña okila naña omiuonpolo ke kiomña nakoaena lala vano tol pogos naña yoko sinemimieno kiena ne Ntewa liþere nena yar lala. ⁶ E pogos nene narui yoko naga vion plan van yar lala toroki taveve sa naña la asumña akila ke ne.

⁷ Sane yeririna la þasa, apa rurula ga, asumña akilakila ke ga þelaga wo la silaga vena kielo kia la wo e marana Ntewa, akilia kila naña atol naurarena nae peni. Ya naña Ntewa la van la, naga malena naña ve uro re.

⁸ Ana la þasa, ape yar na veveyuena, pe amleлага re e visena lelaga po, asike ga vatanon märeraena viowa. Ya naña yoko Ntewa la van la, naga naliþereena naña molue e pupia kiena nasinemimieno ga. ⁹ Yoko pogos märera amio naloge viowaena imi tol make yeririna la naña akila ke piowa, siar e la naña Ntewa pisir plan

la ñesania, nane le Yu lala, va tol yar tañena la naña pe ape le Yu re poli.

¹⁰ A la naña kiela malena po, yoko atol navisa ruruena kiena ne Ntewa, yoko kiela kia su ruru amio naga, kiena sumare sike amio la. A naga mëna nene siar e le Yu lala, va tol yar la naña pe ape Yu re poli, ¹¹ komin Ntewa naga pe pisuveve re sane yar tai pe tañena poli, ana naga kila po maran taaga pan la.

¹² Le Yu la asike vatanon navisaluaena rui naña Ntewa mla pan la, ana visae akilaro navisaluaena nene, yoko Ntewa la nakoaena van la. A yar la naña pe ape Yu re poli, pe atol re navisaluaena nene poli, pona pe akilia re ya naña navisaluaena nene pisa poli yo, ana visae akila viowa, yoko la akovio. Sanene, mlamulena viowa sike e ita punu ga maran taaga, ana yoko Ntewa monar lipere make ita ga.

¹³ Yar la naña amesmesu e marana Ntewa, pe la re naña akilia ga ya naña navisaluaena pisa poli, ana la naña Ntewa kekaran sape were la, naga la naña kiela malena taveve ruru ke ya naña navisaluaena pisa narui. ¹⁴ Yar lañasa pe ape le Yu re la poli, amninue navisaluaena kiena ne Ntewa, ana pe sur koren ga, kiela malena po pano-o, kiela ñelaga sa ga naña navisaluaena kiena ne Ntewa sike amio la rui.

¹⁵ La sa ga naña ya naña navisaluaena sumña pisa ke ne, sike e losinela rui. Sanene, pogos naña amloge visena kar lala apisa pan la asape ova e nene ponu ova e nene, ana kiela sitomena wo sumña pisawal ruru ke pan la e ya naña po a ya naña piowa.

¹⁶ Sa naña lologena wo naña nesumña nem-lologonia pisa, pupia legiena nañani sumña pimi ke ne, a e pogos nene, yoko Ntewa la va Yesu Kristo vena visuveve ruru sitomena kienya yar lala, vano-o tol sur naña amlawan ruru teke e losinela, a lipere sur la naña akila, vano tol nena naña asitom asape pe yar kilia re poli.

Le Yu lala amio navisaluaena kienya ne Ntewa

¹⁷ Nepisu sane popon nevis si va laa sane wa e lepas na sur la naña ita le Yu lala tesumña tepisa. Tesumña tepisayu ke sanape naña ita ke narui ita na tetaveve ke navisaluaena kienya ne Ntewa, tesitom ke tesape ita ke narui naña Ntewa sinenan ita pa laa sane wa, ana kila narui kieta sitomena la pa manene laa metava.

¹⁸ Tepisa ke tesape tesukul ruru po e navisaluaena kienya ne Ntewa, kila narui tesitom tesape ita ga tekilia ruru Ntewa amio kienya nasinenanena, ita ga tekilia ruru sur la naña lelaga pona naña mesmesu napo. ¹⁹ Ita tesumña tepisa ke tesape ita le Yu ga lala topon naña tesumon la naña pe ape Yu re poli, komin naña tepisape la ape kilamara ñala naña pe akilia re mrappa poli. Tomape ita ga tepe yomerarava kien la naña asike e yemalolo, ²⁰ ita ga topon naña takawe ruru yaru naña kila pal mrappa, ita ga tectorokin naña tevian ruru la naña asa ga sisi lala, pe akilia re sur poli.

Ana sineun nesape nevis re e lepas nene, sane pogaga naña tepisu kilale sane navisaluaena kienya ne Ntewa pulen make kiliaena wo lala a visena wo make la rui, ana piowagan ga naña

tesumña tesape naga pe kieta ga. ²¹ A sur si tai naña piowa manenea metavan nene, tomāreran vianen yar tañena lala, ana nepisu sane pe tepian ruru ita re si poli. Visae ologon naña ovisave yar ve vinau re sina, ana popon naña ko na osumña ovinau mñaga? ²² Ko naña opian ke yaru osape monar ve akila re kolau, komin ya ne ko mñena okila? A ko naña opisa ke osape nono la naña la amiyumñaenia, apiowa ga, opisa tanea, ana ko mñena ga, pona osumña opinaun ke sur la ne pe kol naña amligan sike e kiela lele wa lala, a?

²³ E lele nene monar tevisave piowa papisi wa, komin ita la naña topärwar ita vanon naña topär Navisaluaena kiena ne Ntewa, ana tesumña tekila kare ke sina kia wa kiena kieta Ntewa ne, komin naña tesumña tekilaroro ke kiena navisaluaena la nene. ²⁴ Visena Wa pisayu ke kieta ñelaga nene rui, pisa sanini sape

“Amiu yeririna lala kiena ne Ntewa, kiamiu navisokanena kila sane yar tañena lala asumña apisa kare ke kiena kia.”

Yaru naña pe yere Yu kemua lelaga

²⁵ Ko osape ope ñaviu rui, ana ope Yu kemua lelaga, nanene na po pañisi. Ana sur nene miila ko visae ologear ga navisaluaena kiena ne Ntewa. Ana visae okilarovia, ko ope Yu korena ga, ko opiowa pa Ntewa sa ga la naña pe ape ñaviu re poli. ²⁶ Ana pona yaru tai pe sa re le Yu la naña ape ñaviu poli yo, naga pe pe ñaviu re poli, ana visae yar nene logear ruru Navisaluaena lala, e navisuena kiena ne Ntewa

naga imi torokin ga yere Yu narui. ²⁷ Yere Yu naga pe ūpaviu rui a mla ke navisaluaena, ana visae pe mlogear re poli, monar visuar ruruia, visae peraga, yoko Ntewa kovenlua naga, a were taþena naþa pe pe ūpaviu re poli ana mlogear kienanavisaluaena.

²⁸ Nanene komin e navisuena kienanavisaluaena ne Ntewa, naga naþa pe yere Yu kemua lelaga, pe naga re ga naþa pe Yu e kulus poli. Ana ūpaviu naþa Ntewa pisu sane lelaga napo, pe naþa re ga e tas nen yar vanua poli.

²⁹ Yar naþa pe yeririna kienanavisaluaena ne Ntewa lelaga, pe naga re ga naþa ūpuarar nasiriena wa e limana poli, ana naga yaru naþa Ninuna Wa miyumæ ke e losinena, naþa kienanavisaluaena malena pilonia pimi po. Yar na sanene, pona yeririna la asitom ke asape naga pe pe yar re tai nene poli yo, ana Ntewa kekaran naga paþisi.

3

Sur wo naþa sike e le Yu lala

¹ Nepis ke sanene, pona naviunena tai mæliviyaro, viun sanini, visave “Visae yere Yu maran ve taaga ga amio yar taþena lala, sa naþa osumæ opisa ke ne, komin ya ne kia naþa Yu naga po, a tesitom ke tesape ita na tepe sur tai? Naþa tekila ūpaviu e ita, vena teim teve le Yu kemua lelaga, ana pona pe sur koren ga yo?”

² Naviunena nene mesmes ga, ana nevisatamæa nesape, Peraga, toþpar kia na Yu, naga pe pupia sur wa tai naþa po manene laa pan ita. Lus kienanavisaluaena yeririna ai sina naþa Ntewa mligan kienanavisaluaena.

visena wa sike e limala? Pe yar taþena kar re la poli, ana ita le Yu ga lala. ³ Pe lelaga naþa kieta yeririna la þasa pe amlogear re visena kiena ne Ntewa nene poli, ana naviunena sike na sape: Sanape, pona yoko Ntewa ve visa ruru ita re sina sa naþa naga pisaaria sape yoko kila? Ana pe sa re nene poli. Pe sur koren ga naþa laþas pe apuarar ruru re visena kiena ne Ntewa poli, ana pe Ntewa purmatan li re kiena navisaaren e ita pogos tai poli wa. ⁴ Pona ita yeririna lala ita tepisokan lue ga, ana Ntewa naga pe lelaga lue ga, sa naþa Parin Suþe Tepet pisa e kiena Tus na Yauena lala, naþa pisa sape

“Yoko avisu naþa ko ope lelaga kemua e kiom a visena lala vena liþerelaena,

a yoko sinelan liþere koena sina ga, ana ko na omesmesu ga na osike ne.” Yauena 51:4

⁵ Kieta napiowaena lala apioyowa ga, ana sur tai naþa po towe laa ga, napiowaena la nene akila merarava e maran yeririna lala asape navisaluaena kiena ne Ntewa la naþa apisalup r ke napiowaena la nene, apo na apo. Nepisa sanene, pona visae yoko yar laþas naþa þarila pe wowe asum alu avisave “Visae kieta napiowaena la akila sur wo nene, komin ya ne Ntewa sinena kar ita sape la si nakoaena van itania?” Ana peraga, nanene sitomena kiena yaru ga, ⁶ pe sa re nena nene poli! Visae Ntewa ve liþere ita re le Yu lala, ana pe pon re naga liþere li taþena la naþa pe ape Yu re poli, ana peraga, naga mesmesu nena ga, a naga taaga torokin liþereena.

⁷ Naviunena si tai ve sa nene kilia vim, naña pisa sanini, sape “Nanua sumo nesape nemlelaga e Ntewa, ana siraunia pe nemlogear re poli, ana sa naña nesumña nepisokan ga. Ana kiau visokanena nene sumña pisawal ke sape visena kienas ne Ntewa ga pe lelaga pañisi, a sanene na sumña kila kienas kia pa metava. Ana visae ve sanene, komin ya ne naga sinena sape liñere in ke na wa, sape in na nepiowa ga?” ⁸ A ñisi na yar la ñasa avilon visena la ne sanene va ve tañena laa na wa, avisave “Visae ñelaga viowa visawal visave visena kienas ne Ntewa pe lelaga, popon tesumña tekilakila mña mlamulena viowa la ve moki silaga, vena kilaen visena kienas ne Ntewa ve lelaga laa sane.” Lañas apisape nesumña nemlologon ke sanene, ana naga nene na visokanena ga, a la naña asumña apisa, yoko akus nalipñereena torokin kiela visen viowa la nene.

⁹ Nesape nowasuñe in sina e sur naña tepisayu ke ña rui, tesape yar na ñpar kia na Yu, yoko ve sanapenia? Pona yar lañasa, naviunena sike e la yo sape yoko wo vañisi vania taulu yar naña pe ñpar re kia nene poli, pona peraga? Pogaga, kiau navisatameena nesape ve sa re nene poli. Sa naña nepisa ña rui, le Yu amio le Kris lala, la make ga asike vatanon mñareraena na mlamulen viowa maran taaga. ¹⁰ A sane visena na Tus Wa pisape

“Pe yar re nena tai naña kienas malena po poli.

11 Peraga, pe yar re nena tai naña pisu kilale mrapa poli,

*pe yar re nena tai naña sumña kilali ke sape lual
Ntewa e kiena malena poli.*

12 *Yeririna make ga apilipal ga mrapa naña
mesmesu, apa apiowa manene laa.*

Pe tai re nena naña miyumña po poli. **Yauena
14:1-3**

13 *Kiela visena piowa ga, sa ga yar mare naña
kona rui,
purmenela sumña miyumñaen ke ga visokanena,
navisa kareena la naña sumña mälivi ke e kulugola
lala, sa naña lomñara viowa karmar yaru.*

Yauena 5:9

14 *Lelaga ña, gola lala pulen ga viaiena amio visen
melkalka lala.* **Yauena 10:7**

15 *Lala lala sumña ñpar la akirkirir kar ga la ne vena
kilael kuruta lau,*

16 *kiela yalorena lala apa akila kare make suria,
akila yaru la amloge piowa.*

17 *Pe asitom re asape mrapa na sumäre tai sike
poli,* **Ais 59:7,8**

18 *pe apisu kilale re nena asape Ntewa sumña pisu
la ke poli.”* **Yauena 36:1**

19 Ee, visen la nene amolue kome Navisaluaena
kienae ne Ntewa, a tekilia tevisave ya naña Navisaluaena
kienae ne Ntewa pisa ke ne, kiar ita ga le
Yu lala. Ita tesike vatanon Navisaluaena nene, a
yar naña pisu kilale ya naña navisaluaena nene
pisa, naga pe kiena visena na visaen re si po,
naga kilia sape yomarava wetelu kilarovia, yar
make ga akus nakoaena vanonia. **20** Pe yar re
tai naña logear Navisaluaena kienae ne Ntewa
torokin vena naga kilia mesmesu e marana, ana

Navisaluaena nene kila sane yar make ga akilia ruruia asape mlamulena viowa sike e la.

²¹ Ve sa nene, mrapa na logearen visaluaena, yar la tañatete atayu nena aimi amesmesu e marana Ntewa, a nane kila sane Ntewa pisu popon kila ruru mrapa viu tañena tai naña tekilia tetavevea.

Mrapa viu nena naga po pañisi, komin pe kana navisaluaen re la naña yar monar logear la poli. Mrapa nena, nasiriena marua wa lala amio visena kienan ne navisawalena lala, apisawal ma ve torokak nanua sumo rui, ana nagane Ntewa kilologia pan ita rui.

²² A mrapa nena naga sanini: pe mrapa naleлагаena. Sanene, yar ai naña viawa e Yesu Kristo, yoko Ntewa kila naga imi wo e marana. Mrapa nena pe kienan yar re ga lañas poli, ana pe kienan yaru make ga, ²³ komin yar make ga amlamla piowa, pe ta re poli naña kienan malena mesmesu va torokin naña tol malena wo naña Ntewa sinenania.

²⁴ Ana pogaga, komin Yesu Kristo pul lua ita rui, kila naña Ntewa kila ita tepim temesmesu e marana, sane kienan nalaena tai pan ita, naña mlavia pimi ga kome kienan lemamienan. ²⁵ Naga pul plan ita komin naña Ntewa pisirlua naga sane kupaññaena tai naña kana kuruta mlau kee plan kieta mlamulen viowa ita la naña temlelaga ea.

Ana sanapen yeririna la naña siar e kas la nakonua rui pimi, pogos naña Yesu pe pimi re poli wa? Pe tepisu re naña Ntewa mla

nakoaena pan la vanon amlamla piowa poli, pona sitomena tai sape pona Ntewa mla ga nakoaena pan mlamulen viowa kien yar lapas yo, ana yar lapasa pe mla re nakoaena pan kiela mlamulena viowa la poli. Ana peraga, naga pe sa re nene poli. Nakonua manenea, Ntewa kila ke ga kiena sitomena piavi, sumā piro ke ga kiena sinekar, a kila mā sanene pano-o tol pogos naña Yesu maren mēna mlamulena viowa kien la na sumo. ²⁶ Sanene Ntewa pisawal meraravan pan ita nagane narui sape naga miyumāe po silaga, kila sane yar ai naña viawa ga e Yesu, yoko ekik ruru nena e marana.

²⁷ Visae sanene, yoko tekilia towarwar ita komin si ya ne? Pe sur re si ta poli, komin ya ne kila ita si tepim topo temio Ntewa? Pe ūpelaga wo re na tai nalogearen kiena navisalu-aena poli naña tesitom ke tesape tekila yo, ana peraga, kana purpresa, kieto lelagaena ga e Yesu.

²⁸ Kiamimi lologena pisa sanene narui, sape visae yar imi mesmesu e marana Ntewa, naga wasine ga kiena naviawaena e Yesu. Tañatete wasine kiena yumāena wo la naña naga mlogear ruru navisalu-aena make ga kiena le Yu silaga, komin naña tañatete yaru tai kila ve sanene.

²⁹ Sanene, tepisu sa naña Ntewa pe pe Ntewa kiena ne re ga ita le Yu la poli, ana pe Ntewa kiena ne mēna li tañena lala. ³⁰ Ee, Ntewa naga taaga ga, ana pe kien yar make ga, ana visae yere Yu, naga kilia imi mesmesu e marana Ntewa visae viawa ga e naga, pona visae yar naña pe

pe Yu re poli, naga m̄ena ga kilia imi mesmesu e marana Ntewa visae viawa ga ea.

³¹ Ana visena la nene pe pisa re sape ſelaga na lelagaena kien Yesu kovenlua navisaluaena kien ne Ntewa naña sike ne poli, sape pe kien yum̄aena na kilaen re si poli. Pe sa re nene poli, ana kana kinasa sane pogos naña tesum̄a temlelaga ke e Yesu, tesum̄a tepatanon ruru ke e sur la naña navisaluaena pisa, tekila ke naña ape lelaga.

4

Epraam tepo yom̄aruua na vianen mr̄apa na viawaena van ita

¹ Tesum̄a tepisayu ke sane ſelaga na lelagaen e Kristo naga pe mr̄apa na tolen natamali-aena, ana sanapen kata apua la nanua sumo, sane pupia apua na kieta lus naña yermarua Epraam? ² Naga kila yum̄aena la moki naña Ntewa kekarania, ana yum̄aena la nene taþatete kila naga mesmesu e marana Ntewa. Visae naga imi mesmes komin kien yum̄aena lala, pona naga kilia warwar si e yo, ana pe sa re nene poli. Pe yar re tai naña kilia warwar e marana Ntewa vanon yum̄aena la naña naga kila, ³ ana naviawaena ga kilia kila yaru mesmesu amio Ntewa, sa naña suniena kien Epraam pisayu e Tusi na Siiena, naña sape

“Epraam naga piawa m̄arera paþisi e navisaarena kien ne Ntewa,

ana Ntewa kekarania, mla viawaena nene kiena Epraam, kila narui pimi mesmesu e marana.”

Nas 15:6

⁴ Ositomlia, sane yar naña miyumñaen kilavaru, pogos naña kupario ūsi monar waria ve kiena. Ana ve tevisa re tevisave kilavaru nene naga pe nalaena tai naña kiena yerkawa mla pania molue kome kiena sitomena, ana kilavaru nene, yar na yumñaena nene, ūyon paūsi naña, ana popon kemua naga waria ve kiena.

⁵ Ana lepas naña yaru imi mesmesu e marana Ntewa, naga pe pe sur re tai naña teyumñae vanon poli, naña tekilia towaria sane sur tai naña ita ga tetauluia ve kieta. Ita, kieta yumñaena la piyowa ga, ana monar towasine ga Ntewa, naña naga ga kilia war plan napiowaena e kieta malena. Visae towasine ga naga, ana yoko kila ita temesmesu e marana.

⁶ Yermarua Parin Suñe Tepet kilia sur nene nanua rui, ana kiena yauena tai pisayu sanapen naña yoko wo vaūsi van yar naña pe ūsine re ke sina ga kiena yumñaena poli, ana ūsine ga Ntewa sape yoko naga kekara naña kila naga mesmesu e marana. Yauena nena pisa sanini, sape

⁷ “Yar naña Ntewa piewo kiena napiowaena lala, naña yumu plan kiena mlamulen viowa, na nene navisa ruruena tai naña yoko wo van vaūsi.

⁸ Yar naña Ntewa pisu naga sane pe namname tai to re si e poli, naña monar war nakoaenia, naga yoko kilia loge wo na loge wo.”

Yauena

32:1,2

⁹ Ana la naña akilia aloge wo sa naña yauena nene pisape, a la nene? Navisa ruruena nene, yoko tapatete imi ga va ñaviu lala, sa naña ita le Yu ga lala, ana yoko imi mëna va la naña pe ape ñaviu re poli, na nene naga merarava ruru po pañisi, komin sa naña tepisape, Epraam pimi mesmesu e marana Ntewa, pe komin re naña naga pe ñaviu poli, ana pimi mesmesu e marana Ntewa komin ga naña mleлага mñarera ea.

¹⁰ Ana tekilia sur nene sanape? A Ntewa sape Epraam mesmesu e marana na pogwai? Naga pisa e pogos naña Epraam pe ñaviu pa rui, pona pisa e pogos naña pe pe ñaviu re poli wa? Visae teva si e kiena sunieno, yoko tevisu naña Ntewa pisape Epraam mesmesu e marana pogos naña naga pe pe ñaviu re poli wa.

¹¹ Sanene, viawaena kiena Epraam e Ntewa, naga ga nene kila naga mesmesu e marana. E poglis nene naga pe ñaviu re poli wa, ana siraunia, Ntewa mla ñaviu pania sane kile tai naña pisawal sape viawaena ga e Ntewa nane mrapa naña yar imi mesmesu amio naga.

Epraam naga pe yar ñesa naña sanene, ana yar moki apim sirau naña pe ape ñaviu re poli, ana amleлага e Ntewa ana Ntewa pisu sane amesmesu e marana. La pe amolue re e lus kiena Epraam naapo poli, ana nagane apisu naga sane pe kala apua marua mëna tai, ¹² maran taaga sa ke naña naga pe apua kan la naña ape ñaviu.

Ana nanua sumo, ita le Yu lala tesitom tesape yar naña pe ñaviu sane yermarua Epraam, lelaga kemua naña naga ke narui naga molue kome

kienā lusa. Ana nagane, sitomena tai mālivi nāpā pisape yaru nāpā kilia visa visave Epraam naga pe kana apua marua kemua lelaga, nanene pe yaru nāpā mlelaga e Ntewa sa ke nāpā Epraam mlelaga ea, pogos nāpā pe pe pāviu re poli wa.

Naviawaena kienā yaru kila navisaarena kienā ne Ntewa imi ve lelaga

¹³ Nakonua konua rui Ntewa pisaar pa Epraam sape yoko kienā navisa ruruena lala amolue akome Epraam amio kienā lusia avava vanua va va yeririna make ga na yomarava. Ana komin ya ne Ntewa kekaran sape kila kienā navisaarena nene va Epraam? Pe vanon re ga nāpā Epraam mlogear ruru kienā navisaluaena poli, komin pogos nāpā Ntewa kila kienā navisaarena nene, pe navisaluaena re poli wa, pogos kienā ne Ntewa na laen navisaluaena va Mosis sike koperina wa. Sanene, tekilia tevisave naviawaena kienā Epraam ga kila naga mesmesu e marana Ntewa, nane Ntewa kekaran nāpā la navisaarena wo nene vania. ¹⁴ Visae navisaarena nene pe kienā yar ga la nāpā asmāl amlogear ke navisaluaena, yoko kila sane yar nāpā mlelaga, mlelaga korena ga ne, a kila sane navisaarena kienā ne Ntewa pe suñāl re si poli. ¹⁵ Suri tañena ke sina ga nini, nāpā kila meraravan pan ita sape navisaarena wo kienā ne Ntewa lala tañatete añalivi e ñelaga nalogearen navisaluaena. Naga nene komin pogos nāpā navisaluaena sike na, ana ñelaga na kilaroen navisaluaena monar mālivi, ana siraunia monar kana nakoaena nena, komin

naña pe yaru tai tokon re kilaroen navisaluaena pogos tai poli.

¹⁶ Ve sanene, navisaluaena tañatete kilia iila ita vena tekila ruru kieta napiowaena e marana Ntewa, ana Ntewa pe lebam manene laa pan ita, ana naga ga kila. Naga pisu naña topasine ga naga, tevisu ga naga, ana naga kila tetol kienanavisaarena wo lala. Nanene na pe le Yu re ga la naña navisaluaena pitomi pesan pan la poli, ana yeririna tapena mëna la asikola amio la. Yer pe lala, ana visae akus pelaga na lelagaena e Ntewa maran ve taaga sa ke naña Epraam mlelaga ea, naga sane la mëna amolue e kienanusa. A ita make mëna ga e pegas nen nalelagaena teliv piora e yomarava, tepisu sane naga pe pupia kata apua.

¹⁷ A nanene mesmesun ga naña Ntewa pisaar pa Epraam nanua rui, naña pisa pania sape

*“In na nepisirlua ko, ko ope purp̄es nen lus nen
yeririna lala na purvanua moki.” Nas 17:5*

Pogos naña Ntewa pisaar sanene pa Epraam, Epraam pe sinen kurkur re poli, ana puuar ruruia, komin naña naga kilia sape Ntewa nena naña naga pisa visena nene pania, naga pe Ntewa naña kilia kila ya naña mare imi mali, kilia kila sur naña pe su re poli wa vim m̄alivi.

¹⁸ Pe lelaga, Ntewa pisa sur ta pania m̄arera pañisi naña naga lelaga ea, komin naña pisaar pania, sape

*“Kiom̄a lus lala yoko aim ave moki na ave moki
vañisi e yomarava nini.” Nas 15:5*

Ana pogos naña Epraam mloge, mlelaga ea sape monar ve sa ga nene narui. ¹⁹ E pogos nene, naga kilia sape naga amio wona Sera, kiela mrae lalua lavis vito tano narui, naña kiena kasa lavis tol ponotia ve taaga [100], a wona pe þarli re sisi poli wa, ana kiena naviawaena pe mlor re nenaga. ²⁰ Naga pe sitom re nena suri ta poli, ana kiena sitomena sike ga e ya naña Ntewa pisaaria. Kiena naviawaena sumña pimi ðarera laa narui, a silaga sumña mieluár ke Ntewa a pisa lue ga potena keviu pania vanon ya naña yoko kila. ²¹ Naga pe sitomli re pogos ta poli sape Ntewa naga pe torokin re naña yumñae taveve ruru kiena navisaarena poli, ²² a kiena þelaga na viawaena nene narui kila Visena Wa pisayu si naga, sape Epraam þasine ga Ntewa, ana Ntewa pisawal sape naga mesmes ruru e marana.

²³ Ana visena nene pisayu ga Epraam naga taaga, ²⁴⁻²⁵ ana popon tela sane visena tai naña pisayu ita make ga, komin ita mñena ga temlelaga e Ntewa tesape yoko naga kila ita teim temesmesu e marana sa naña naga kila pa Epraam. Temlelaga sane naga ke narui naña mligan Yesu pitomin vena tol marena vanon kietä mlamulen viowa lala, a temlelaga tesape Ntewa þere lua ke sina ga Yesu petan marena vena kila merarava ruru van ita sa naña tekila si mara wo temio naga rui.

5

Tepe mara wo si temio Ntewa rui, tepisu sumñare a lemamiena

¹ Pogaga, nagane merarava ruru po pan ita sane sur naña kila ita tepe mara wo sina temio Ntewa, naga kieta naviaawaena e ya naña Yesu kila vena tamalia itaena. A pogos naña tepisu kilale tesape tepe mara wo temio Ntewa sanene, kila naña tepisu sumare sike likan ita temio naga, ² a kila naña tesu ruru ga tesike e kiena lemamieno silaga. Visae ve sanene, kieta sitomena märeran sape siraunia, yoko ita monar teva loyumña e naurarena kiena ne Ntewa, temio kekarena kevieu.

³ A pe tekekaran re ga malena wo naña yoko imi sirau poli, a tekekaran mëna pog märera la naña tesumña tepisu ke nagane. Pona temloge piowagan yo, ana teloge won ga komin naña tekilia tesape naloge viowaena kilia kila sitomena ve piavi vañisi, ⁴ a sitomena piavi kila þelaga wo va laa e marana Ntewa, a þelaga wo nene kila nawasineen Ntewa va laa na wa, ⁵ a nawasineen Ntewa kila taþatete kieta sitomena lorun sur tai pog tai. Nanene komin naña Ninuna Wa naña naga mla pan ita, silaga sumña kokonia ruru ke sinesiena kiena ne Ntewa va loyumña e ita vano vano-o toulen ruru nenaga.

⁶ Tekilia tesape Ntewa sinen si manene ita sanene komin naña sumo, temloru e þiliþili ta rui naña taþatete si tekila sur tai vena tamalia ita, ana e nena e kana pogos naña pisaar pa rui, naga pitetalia Yesu pimin marewo ita yeririna viowa lala.

⁷ Ita na, pe tepisu manene li re naña yar tai kilia tamän kiena malena vena tamalia yar taþena poli, ponam yam peve taaga yar tai kilia

tamān kiena malena vena tamalia yar tai naña asitom asape naga po pañisi, ana sur ne nanene narui Kristo kila pan ita make ga naña ita li viowa lala.⁸ Nasinesiena kiena ne Ntewa keviu sa ke nene narui, komin pogos naña ita yar na kilaen mlamulena viowa tekila ke pārmārerera wa, Kristo pitomin mare wo itania.⁹ Kana kuruta mlau kevan ita temekiki rui, ana tepim temesmesu e marana Ntewa, a kila naña pe sur re si tai sike e ita poli naña yoko naga la nakoaena van itania.¹⁰ Nanua, pogos naña tepe nasinekar kiena ne Ntewa ke lala wa, marena kiena narina kila mara wo temio, a nagane, komin naña tepe erau wo temio rui, yoko malena kiena narina kila ita mñena ga temal lue temio.¹¹ Sanene, tekekaran pañisi naña Ntewa pisirlua kieta Suñe Yesu Kristo, komin naña naga kila kieta mrapa na mara wo temio, tesu si veraga temio naga.

Atam kila marena pimi, Kristo mla malena

¹² A sur lua nene marena amio malena, lalua apim e yomarava nini sanape? Yar ñes na yomarava nini nane Atam, a naga pe purñes nen mlamulen viowa, a kila naña nakoaena na mlamulen viowa, sane marena, monar imi mñaliv e yomarava. A yeririna la naña asiraunia, la mñena ga atol mlamulen viowa, ana marena tol la make mñena ga.

¹³ Sumon pogos kiena Mosis, Ntewa pe mla re navisaluaena poli wa, ana pe sur koren ga naña pe navisaluaena re poli wa, ñelaga na mlamulena viowa sike pa rui. Sanene, Ntewa

pe mlīperela re e pogos nene poli sape akilaro ke kiena navisaluaena, komin naña pogos nene, navisaluaena naga pere wa, ana kiela mlamulena viowa la narui kila sane la monar akus nakoaena na marena na wa. ¹⁴ Tekilia tesape sanene, komin siar e pogos kiena Atam, pimi tol pogos kiena Mosis, pe navisaluaen re poli, ana yar la asumña amarmare mñaga, komin nakoaena na mlamulen viowa sike e yomarava rui. Pona laþas akila piowa sane Atam kila yo, pona akila mñena sur taþena lala, ana e navisuena kiena ne Ntewa, kiela napiowaena make la nene ape mlamulena piowa torok ga.

Sanene, tepisu ya naña yar taaga ga nene naña Atam kila, tol make malena kien yeririna na yomarava, sa ke ga naña ya ne Kristo naga taaga kila sirau, naga mñena ga tol make kieta malena ita punu ga naña temleлага.

¹⁵ A yumñaena wo naña Ntewa kila naña molue kome kiena lemamiena, naga po paþisi, kilia taulu yumñaena viowa naña Atam kila naña molue kome kiena mlamulen viowa. Mlamulen kiena Atam naga taaga kila yar la monar amare, ana nawoena kiena Yesu Kristo naga taaga kila tepim temesmesu e marana Ntewa. Sur nene sane nalaena wo tai naña toþpar korenan ga sa ga ne. ¹⁶ Mlamulen kiena Atam pe kila re nena sur wo tai, ana nalaena nene po pan ita paþisi. Ntewa mliþere mlamulen kien yar taaga nene, pisape yoko pupia kiena nakoaena va e yar make ga, ana siraunia, Ntewa pisu nalaena naña Yesu mla pan ita, naña pul plan kieta mlamulen piowa lala, ana sape temesmesu ruru e marana rui.

¹⁷ Lelaga kemua naña mlamulen kiena yar taaga ga, naña Atam, kila sane marena sumña taulu ita, naña kilia war plan make malena kien yar lala. Ana yoko, lemamiena kiena si yar tañena, naña Yesu Kristo, mla nalaena wo nene pan ita nanagane, kila sane temesmesu e marana Ntewa, tetaulu marena rui, ana siraunia yoko tetol malena wo temio naga. ¹⁸ Sanene, kana kinas sane mlamulen viowa nene kiena Atam naga taaga ñere yeririna make ga apa e nakoaena, ana siraunia yumñaena wo mesmesu taaga ga nene kiena Yesu, kilia kila plan la make ga e nakoaena nene, ana mligan la ase malena naña ve uro re. ¹⁹ Ana sa ke sina nene, yar taaga pe ñarmarera, pe miyagogon re Ntewa poli, ana kila yar make ga ape yar na kilaen mlamulena viowa, ana siraunia, yar tañena mlogear ya naña Ntewa pisa pania, ana mare e lak torovia kila narui ita moki naña tepim temesmesu e marana Ntewa.

²⁰ Nanua, Ntewa mla navisaluaena pa Mosis, a navisaluaena nena sumña kilologia ke yeririna lala sape kiela mlamulen viowa la pule pañisi. Ana pogos naña mlamulena viowa la sumña pimi pe moki manene lue ga, Ntewa mëna ga pa laa sane, kila sane kiena lemamiena pimi keviu manene laa. ²¹ Nanua sumo, mlamulen viowa ñpar marena pimi, a marena nena sumña kila mlamulen viowa tolue ga metava silaga. Ana siraunia, Ntewa kila kieta mrapa vena teim temesmesu e marana, ana nane kila sane nagane kiena lemamiena taulu make suria, komin naña sumña kila ita make ga naña temleлага e kieta

Supe Yesu Kristo, yoko tetol malena naña ve uorre.

6

Popon topisin mlamulen viowa, temal temio Kristo

¹ Sa naña nepisa ga na wa, ita tepe yar na kilaen mlamulen viowa lala, ana Ntewa pe lemam pan ita piewo ita, ana vanon sur nene, popon kiesta malena nanagane ve sanape? Pona yaru lañas apisape popon tesumña tekilakila mlamulen viowa ve moki yo, vena kila sane lemamiena kiena ne Ntewa mëna ga sumña imi manene laa, sa naña naga sumña pieviewo ke kiesta mlamulen viowa la nene? ² Ana peraga, tañatete nena ve sanene! Tekilia tevisave e lepas na sinenanen viowa na kilaen mlamulena viowa, ita sa ga yar mare lala, monar topisin nena ga, ve tekila re sina.

³ Ositomli pogos naña akee ita vena teve taaga temio Kristo Yesu. E poglis nene, ya naña mälivin ita naga torokin ke ya naña mälivin naga nanua rui. Sane nanua sumo naga mare wo kiesta mlamulen viowa, ana nagane, pogos naña akee ita, kiesta malena marua na mlamulena viowa mëna lala monar mare. ⁴ Sumo, amligan tasnena mëne lele na marena, ana nagane, pogos naña akee ita, monar teligan kiesta þelaga na mlamulena, topisin ruru nena ga. A nanua mëna sumo, Ntewa kila yumñaena na iilanena nene, naña kila Kristo sumalu mal sina, a nanagane,

pogos naña akee ita, tesumal sina temialoro e malena viu tai.

⁵ Sanene, tepe taaga temio Kristo rui komin naga mligan kiena malena mare e yomarava nini, ana ita mëna ga monar teligan kieta malena marua. Ana tekiliar ruru sane yoko teve taaga si temio ke na wa, komin naña naga þar si kiena malena viu tai, a yoko ita mëna ga towar kieta malena viu.

⁶ A monar tesitomal silaga, sane þelaga na kilaen mlamulen viowa naña tepaeme temio, naga sa naña asuar sike e lak torovia amio Kristo. Sanene, kila naña ve tekila re si mlamulena viowa la naña tasneta la sinelan kilaena, a mlamulena viowa taþatete kilia ve supen kieta malena sape tepe kiena yar nayunæna ga. ⁷ Popon topisin mlamulen piowa, nagane märeraena na sinenanen kilaena mlamulena viowa monar þisin ita, komin ita na sane yar mare naña sitomena viowa na mlamulen viowa taþatete kila sur tai van ita. ⁸ Lelaga kemua, nanua sumo, sa naña temare temio Kristo rui, ana nagane, kieta lelagaena märera sape yoko temal lue temio naga narui.

⁹ Tekilia tesape Ntewa kila Kristo mal si petan marena, kila sane yoko Kristo mal mña vano-o yoko taþatete si mare pog tai, namäreraena na marena taþatete si kilia tol naga pogos tai. ¹⁰ Kiena marena nanua ne, naga pe marena tai na war plan makeen nakoaena na mlamulen viowa, a kiena malena nagane, naga pe malena tai na visirluaen kia kiena ne Ntewa, ¹¹ a yoko monar ve sa ga nene van ita. Monar tesitomalia

tevisave ita m̄ena ga popon tōpisin ruru ūelaga na mlamulen piowa, a silaga monar tevisirlua kia kiena ne Ntewa e malena viu nāpa tesike ea temio Kristo Yesu.

¹² Sanene, kiau visena urmi e lele nene sanini, sane ve atanān re kiamiu sitomena la nakilaen mlamulena viowa imi ve sa nāpa nam̄areraena m̄arera tai nāpa sum̄a ve sup̄en amiu. Visae peraga, tasnemiu lala, nāpa ape na yomarava ga nini, yoko asum̄a alogear ga nasinenanena viowa la na ūelaga nāpa ita yeririna la tepaeme temio. ¹³ Ana sanene pe po re poli, komin lepas nen tasneta lala, pe pon re aim sane sur na yum̄aena nāpa napiowaena miyum̄ae amio vena kilaen kiena ūelaga viowa ne lala. Sumo, ita sane yar mare lala, nāpa malena na Ninuna pe su re nena e ita, ana nagane Ntewa kila ita si temali, ana monar teyawawo kieta malena viu nene va si vania vena naga lavia vena kilaen kiena yum̄aena. Sanene, yoko lepas nen tasneta lala apim sane sur na yum̄aena nāpa Ntewa miyum̄ae amio, vena kilaen kiena ūelaga mesmesu lala.

¹⁴ Sumo, tesike vatanon navisaluaena nāpa Ntewa mla pa Mosis, amio kana nakoaena nena lala, ana ita tōp̄ion logearen pano-o, ana peraga, pe tetorokin re natolen kana natamaliaena poli. Sanene, Ntewa sinen miye ita a nagane sum̄a miila ita vena nasinenanena na kilaen mlamulen viowa tāpatete nena urar ita.

*Mlamulen viowa tāpatete si urar ita, ana ita
yar na yum̄aena na ūelaga wo*

¹⁵ Nepisa ke ga yam tai ūpi ne nesape pe tesure si vatanon navisaluaena naþa Ntewa mla pa Mosis poli, ana nemarau nesape pona yar laþasa amla kiau visena nene pa piowa yo. Pona asitom asape, “Ke, Pol pisape ita na pe tesu re vatanon navisaluaena poli, a nagane ita tekilia tekila ya naþa piowa naþa sinetania, tekila naga pogaga, ana yoko Ntewa sinen ye ita, viewo ita.” Ana peraga, pe nepisa re nena poli ūpis. ¹⁶ Monar asitomāl sane pogos naþa yar tai sike vatanon suþe tai, monar logear suþe nena a monar imi sa naþa yar na yumæae kienena tai. A ve sa mëna nene e kieta malena. Visae nasinenanena viowa sumäa ve supen kiomäa malena, yoko monar okila mlamulena viowa la naþa naga sinenan sape okila. Ana visae kiomäa suþe naga Ntewa, yoko osumäa okila kienae yumæa wo lala. Mrapa lua nene, tai yoko kila ko omio Ntewa amlua aviaþa lue, ana tapena yoko kila ko omesmesu omio naga.

¹⁷ Nanua sumo, amiu mëna yar na yumæaena vatanon märeraena na kiamiu nasinenanena viowa ga lala, ana potena paþisi pa Ntewa naþa nepian amiu, ana amligan ruru sike e losinemiu lala, ataveve ruru e kiamiu malena lala. ¹⁸ Sanene, amiu amolue vetan suþe viowa nene nanua sumo, pe ape kienae yar na yumæaena re si la poli, ana nagane ape yar na yumæaena kienae ne Ntewa, naþa amiu asumäa akila ke sur mesmes lala sa naþa naga sinenania. ¹⁹ Nekilia nesape navianena la nene märera li mäga komin sitomena kienae yar naga pe sa re sitomena kienae ne Ntewa poli, nane kila nemila amiu ke ne,

nepis kome ūkaiwa naña pisayu ga yeririna lala na yomarava nini, sane supe lala amio kiela yaru na yumñaena lala.

Ana monar avisu kilale ruru kinas nen visena la nene, sane nanua, sitomena na kilaen sur viowa, naga keviu manene laa e amiu, naña sumña märeran ke yepemiu lala vena kilaen mlamulena viowa naña apiowa na apiowa, ana nagane pe sa re si nene poli. Nagane, sitomena na kilaen ūelaga wo monar ve keviu e amiu, naña kila sane kiamiu malena imi ve wa naña ve wa.

²⁰ Pogos naña sane ape yar na yumñaen ga na mlamulen viowa, märeraena na sitomena na kilaen ūelaga wo tapatete yumñae e amiu, ²¹ ana akila ke ga yumñaena viowa lala. Ana sur la nene, pe amiila re nena kiamiu malena poli, ana amligan amiu nena e mrapa na marena, a nagane, visae asumña asitomäl la sina, yoko amawan vañisi ya naña akila. ²² Ana nagane, Ntewa ūerelua amiu petan ūelaga na sinenanen kilaen mlamulena viowa la nene, amiu apim sane ape yar na kilaen kieno yumñaena, kila naña po manenea e kiamiu malena naña apim ape wa ruruia, a nagane asike e mrapa na malena naña ve uro re.

²³ Wulena naña mlamulena viowa kila yar waria, nane marena naña ve uro re, ana kieta Supe Yesu Kristo kila naña towar malena naña ve uro re, naña pe topul re poli, ana pe nalaena tai naña Ntewa mla korenan ga pimi pan ita.

*Ita li nalelagaena lala pe tesu re vatanon
Navisaluaena poli*

¹ Erau lala, nekilia naña amiu akilia ruru navisaluaena lala na kiamiu purvanua, ana yoko nevisayu sur tai e lepas na visaluaena la nene naña kilia iila kieta sitomena e lepas navisaluaena kiena ne Ntewa naña tesumña tepisayu ke ne.

Sur nene sanini, sape e navisaluaena, pogos naña temal ke ga wa, monar telogearia, ana visae temare, pe tesu re si vatanon po laa rui. ² Ositomyuli ūelaga kiena yaru naña pere sira, lalua atalopa. Visae sira tai, pogos naña wona mal ke ga wa, navisaluaena māreran sape sira nene monar su ruru lue ga amio wona na yermene nene. Ana visae yar nene kovio, navisaluaena pe pisa re si sur tai e lepas na sira nene poli, sape naga monar sumña ve wona yar ke nene na wa. ³ Ve sanene, visae sira nene, wona mal ke ga wa ana naga va vinaun yar tañena, yoko navisaluaena visave naga tañpa ke kolau. Ana visae wona na yermene mare tania, navisaluaena tañatete si visa sur tai ea. Naga kilia va talopa si amio yar tañena woga, naga pe pe kolau re nene poli.

⁴ Pogaga, erau lala, sitomena nene naga sa ga nono ga na kilologia itaena temio navisaluaena naña Ntewa mla pa Mosis. Nanua sumo, yar la asike vatanon navisaluaena nene, naña monar alogearia vena atol natamaliaena, ana nagane, ita li nalelagaena lala temare petan navisaluaena nene. Nagane pe tesu re si vatanon navisaluaena poli, ana tekilia teva tesu vatanon yar tañena,

nane Kristo naña mare wo ita. Ntewa kilamalia sina, ana kila sane ita korowas nena lala yoko towar mras wo lala naña naga sinenania.

⁵ Nanua sumo pogos naña tesike vatanon māreraena na ūelaga viowa naña tepaeme temio, kiesta nasinenanena viowa lala amiyumae e tas-neta, akila tekila manene laa mlamulena viowa lala. Ana pogos naña tekilia tesape navisalu-aena kiena ne Ntewa sumña naña pisaluþar ke mlamulen viowa la nene, pisape ve okila re nene, ve okila re nene, ana sur nene kila kiesta nasinenanena piowa lala pa laa metava narui. Sanene navisaluaena na kīlawoen ūelaga viowa nene sumña kila ke sane tepim tepiowa manene laa narui, a mligan ita nena ga e mrapa na marena. ⁶ Navisaluaena nene ūuarar ita mārera sanene, kila tepim tepe yar na yumæe korenaen kiena navisaluaena marua la naña asiripolo la asike rui. Ana nagane topisin ruru nenaga mrapa nene, tomolue tokom ea ana tepim tepe yar na yumæe korenaena e mrapa viu wo nene kiena ne Ninuna Wa.

⁷ Ana kam na asitom ya ne e kiau visena la nene, naña nesape navisaluaena kiena Mosis sumña kila ke kiesta nasinenanen viowa pa laa metava narui? Pona kam na asitom ke asape sanene na nesumña nepisa ke nesape navisalu-aena kiena ne Ntewa piowa ga?

Ana peraga, kiau navisaena pe naga re nene poli, komin navisaluaena naga kiena yumæna wo tomña ga. Visae ve navisaluaena re, yoko tapatete tekilia naña nakilaroen navisaluaena naga sanape. Sane navisaluaena pisaar mārera

sape “Ve ovinaia re sur ken yar taþena,” ana visae navisaluaena ve visa re, yoko taþatete tekilia tevisave navinayaena naga ya ne, pona navinayaena naga kana þelaga sanape.⁸ Ana lelaga, pogos naþa navisaluaena kilaro navinayaena nene, nagane narui sitomena na kilaroen navisaluaena sumalu mäl kiena narin pulmas tai, kila navinayaena lala pimi moki loyumña e ita. Ve sanene, navisaluaena kiena yumñaena tomña ga, komin visae ve navisaluaena re, yoko taþatete tevisu kilale þelaga viowa nakilaen mlamulena naþa tepaeme temio.

⁹ Sane nanua sumo, nemninue navisaluaena, a pe nesitomäl re poli, nesumña ga sanene. Ana siraunia, nepisu kilia naþa navisaluaena pisape, Ve ovinaia re sur ken yaru taþena, ana nagane nepisu kilia narui nesape nesumña nekilaro ke navisaluaena,¹⁰ a nekilia sane monar nokus nakoaea vanonia, nemare.

Sanene þelaga na logearen navisaluaena pe pe mrapa na tolen re si malena poli, ana navisaluaena naga pimi sane pe kieta mrapa na marena rui.¹¹ Nanua sumo, tomñaape navisaluaena naga pe mrapa na malena, ana nanene naga kieta nasinenanena viowa na kilaen mlamulena ga naþa kilali ita, kila tesitom sanene. Ana pe sa re nene poli, komin naþa tekilaro navisaluaena nene, ana mligan ita e mrapa na marena rui.¹² Naga ke narui yumñaena naþa navisaluaena sumña kila, ana pe nepisa re nesape piowa poli, komin navisaluaena naga pe wa na pe wa, a kana visena lala apo a amesmes ruru nenaga.

13 Ana pona laþasa aviun naviunena yo, avisave visae lelaga naþa navisaluaena naga pe sur wo tai, ana sanape naþa kila ke yar la monar awar nakoaena na marena? Ana peraga, pe nepisa re nesape navisaluaena nene monar kilam  r ita poli, ana kiesta nasinenanena viowa nakilaroen navisaluaena la nene, naga ga kila. Visena na visaluaena la apogaga, ana pogos naþa nekila mlamulen viowa, in ga nemligan inu e mrapa na marena. Visae ve navisaluaena re nene, taþatete tekilia tevisave mlamulen viowa naga ya ne, a yoko teninue tevisave ya ne po a ya ne piowa. Ana pogos naþa navisaluaena sum  lu sum   ga, kila meraravan ruru pan ita sape þelaga na kilaen mlamulen viowa naþa sike e ita, piowa na piowa.

Suri lua apilup loyum   e sitomena kiena yaru

14 Sa naþa nepisa, navisaluaena kiena Mosis na pe wa paþisi, molue kome Ninuna ne Ntewa pimi, ana in na nepisu sane kiau þelaga pe pe wa re nenaga, in na nesum   nemiyum  ae taveve ga kiau nasinenanena viowa lala. **15** Sur viowa la naþa nesum   nekila ke ne, pe nekilia ruru re poli am  a nekila sanape, pona am  a nekila vanon ya, komin sur wo naþa sineun nesape nekila, ana pe nekila re poli, ana sur viowa naþa pe sineun re kilaen poli, naga ke nane nekila ke narui.

16 Nanene narui, nesape navisaluaena kiena ne Ntewa po paþisi, komin naþa monar navisaluaena sum   ga vena visalup  aren kiau napi-owaena la nene, naþa sa naþa nepisa ke nene,

yepmavin kilaena, ana nesumña nekila m̄aga.
¹⁷ Sanene, pe in re nāpa nesitom kilaen napi-owaena la nene poli, ana ūelaga nasinenanen kilaen mlamulen viowa nāpa sumña miyumñae manene laa e kiau malena, naga ke narui naga sumña kila. ¹⁸ A kiau ūelaga na kilaen mlamulena viowa nene, pe nepisuli re nesape naga kila sur wo tai se kiau malena poli wa. Yam moki kiau nasinenanena pisape nekila sur wo, ana siraunia, pe nekila re poli.

¹⁹ Sa ke nāpa nepisa ke narui, pe nekila re na-woena nāpa sineun kilaen poli, ana napiowaena la nāpa pe sineun re kilaen poli, sur nene naga ke nane nesumña nekila ke narui. ²⁰ A visae nesumña nekila ke napiowaena la nāpa pe sineun re kilaen poli, nanene kana kinasa sane pe nekila re po poli, ana sur tāpena sumña m̄areran ke sape nekila, nane ūelaga na kilaen mlamulena viowa nāpa sike e kiau malena.

²¹ Ūelaga na kilaen mlamulen viowa nena, nepisu sane naga navisaluaena m̄arerera tāpena sina ga tai nāpa sumña miyumñae ke e inu. Pona pogos tai sineun nesape neyumiñen suri wo tai yo, ana sitomena viowa sike ga lavisi, kilali nāpa were inu neviowa sina ga. ²² Pogos moki, e kiau sitomena in ga taaga, nesumña nesitomñal ke suri la nāpa Ntewa pisa, a nepisu kienä visena lala apowo pap̄isi, ²³ ana nemloge e inu sane visena tāpena si tai naga m̄ena sumña pis. Naga nane ūelaga na mlamulen viowa, nāpa naga sumña m̄areran inu vena nesu vatanon m̄arereraena na kiau nasinenanena piowa lala.

Naga sane nasinenanena viowa la nene asike e tasneu, asumā akila ke pupia mara amio nawoena la naña asike e kiau sitomena.

²⁴ Kei, sitomena wo amio ūelaga viowa, lalua asumā apeveyu ke e in sanene, nemloge piowa pañisi, nepisu kieta malena e yomarava na tolena marena nini m̄arera pañisi. Ana ane yoko kilia iila ita, ane yoko werelua ita e naloge viowaena nene? ²⁵ Kieta malena m̄arera pañisi naña, komin e kana lepas ne tai, kieta sitomena sinenan sape logear navisaluaena kiena ne Ntewa, ana e kana lepas ne kompasa, ūelaga na kilaen mlamulen viowa sumña miyumāe ke e tasneta.

Ana lelaga, potena pañisi pa Ntewa, komin naña naga pitetalia kieta Supe Yesu Kristo pitomi, naña yoko iila ita, werelua ita vetan naloge viowaena nene, tamalia ita.

8

Malena wo amio Ninuna Wa

¹ Kristo Yesu pitomin tamalia ita, ana kila sane ita naña kieta malena su ruru sike amio naga rui, yoko Ntewa tañatete la nakoaena van ita pog tai.

² Nanene komin nanua sumo, tesike e malena viowa naña ūelaga na mlamulen viowa pa metava, a naña pisaar marena pan ita, ana siraunia, Yesu Kristo ūerelua ita petan malena nene, mligan ita tesike e mrapa viu tañena tai naña tekilia tetol malena wo naña Ninuna Wa mlavia.

³ Yar la asumña apion ke nalogear ruruuen navisaluaena kiena ne Ntewa vena atol nata-miliaena ea, ana akila ūele ga vanon yaru naga ūparin mārera pāpisi. Ana ya nañpa akila ūele ga, Ntewa ga kila. Naga mligan narina Yesu pitomi e yomarava, kila tasnena a kiena malena maran taaga sa ke ita li na mlamulen viowa lala. Ana Yesu pitomi tamān tasnena a kiena malena nene, sane kuñpañaena tai vena weluaen nakoaena na kiesta mlamulena viowa lala. ⁴ Nakoaena na kiesta nakilaroen navisaluaena, naga ga ūparia, kila ita temesmesu rui e visuena kiena ne Ntewa, ana nagane pe temial re si e ūpelaga nañpa mlamulena viowa sumña ūpuarar itania, ana tekilia teyaloro ga e ūpelaga nañpa Ninuna Wa sumña susumon ita ke ea.

⁵ Yar nañpa sumña mialoro taveve ke ūpelaga na mlamulena nañpa naga paeme amio, kiena sitomena sumña pulen nasinenanena viowa na yomarava, ana yar nañpa sumña mialoro taveve ke Ninuna Wa, kiena sitomena pule mamaga e sur wo la nañpa Ntewa sinenanía. ⁶ Nasinenanen maneneen ūpelaga viowa lala e yomarava nini, naga pe mrapa na marena, ana nasinenanena maneneen ūpelaga wo kiena Ninuna, naga pe mrapa na sumñare, pe mrapa na malena. ⁷ Yar nañpa kiena sitomena sinenan manene ūpelaga na sinenanena viowa, naga pe nasinekar kiena ne Ntewa nenaga. Pona pe sinenan re vatanonen navisaluaena kiena ne Ntewa la poli yo, pona visae peraga, pona sinenan mā vatanon yo, ana komin nañpa naga pa piowa manene la rui pano-o, ana yoko vatanon ūele sina, ana naga pe yar

na sanene narui. ⁸ La naña amiyaloro ataveve ke ūlaga na mlamulen viowa naña apaeme amio sanene, tapatete akila sur tai naña yoko Ntewa kilia kekarania.

⁹ Ana ko naña visae Ninuna ne Ntewa teke e ko, ve oyal re si e ūlaga na mlamulen viowa naña opaeme omio, ana monar osumña oyal e m̄areraena kiena Ninuna naña Kristo mla pan ko. Ana visae yaru tai sumña ga naña Ninuna nene ve to re si e naga, yar nena pe pe kiena re Ntewa poli. ¹⁰ Ūlaga na mlamulen viowa na yomarava nini kila sane ita make ga tasneta monar mare pogos tai, ana ita naña Kristo sike e ita, naga kila ita temesmesu e marana rui, ana yoko ninuta mal lue ga. ¹¹ Ninuna ne Ntewa naña kila malia si Yesu petan marena, nane ninuna ne nane teke e ita narui, a yoko kila m̄ena wo ve sanene van ita. Pe sur korena ga naña tasneta mare, ana Ninuna Ntewa naña sike e ita yoko kila malia ita sina.

¹² Erau lala, Ntewa kila po pañisi na pan ita sanene, ana kila sa naña kieto pupia lapui sike e naga narui. Sanene, popon telamaran si sur wo vania, ana pe pon re si teyaloro tetaveve kieto ūlaga na sinenanen mlamulena viowa poli.

¹³ Ūlaga na mlamulena viowa naga pe mrapa na tolen marena, ana yar naña sinenan yali taveve mrapa na malena, naga monar tamān Ninuna yumñae ea, iila vena te plan nasinenanena viowa nakilaen mlamulena viowa vetan kiena malena.

¹⁴ A ita naña temlogear pulgona ne Ninuna Ntewa sanene, ita ke la nene narui tepe narina

ne Ntewa lelaga. ¹⁵ Nanene komin naña Ninuna ne Ntewa pe kila re tepim sane tepe yar na yumae korenan re poli kiena ne Ntewa, ana naga kila sane Ntewa kuslua ita tepe kiena, tepim tepe narina lala. Sanene, monar ve temaraun re Ntewa, ana pogos naña tevis vania, tekilia tevio sane arimata, tevisave “Ata.” ¹⁶ Mesmesun ga naña tevio ve sa nene komin Ninuna Ntewa sumña pian ita ke narui ana ninuta mëna kilia sape lelaga, ita tepe narina ne Ntewa.

¹⁷ Ana komin ita tepe narina ne Ntewa sanene, navisa ruruena wo la naña Ntewa mligan ruru sike ne ve kiena ne narina napo naña Yesu Kristo, yoko ave kiena ne ita narina tañena mëna lala, yoko towaria tevion pae temio. Lelaga naña sane ita mëna monar towar naloge viowaena sa ke ga naña naga þaria, ana visae tekekara ga, yoko Ntewa kila wo vapisi van ita maran taaga ve sa naña kila po pa Kristo.

Yoko wo vapisi va yeririna lelaga kiena ne Ntewa

¹⁸ Nagane e yomarava nini tesumña tepane ke pog märera la nene moki, ana visae kiesta sitomena la su ga e naurarena naña yoko imi sirau, nekilia nevisa nevisave e kiau visuena, naloge viowaena la na nagane, ape suri korena ga. ¹⁹ Naloge viowaena la nene sumña tol ke sur make ga naña Ntewa siia, a sur punu ga sumñate ke ga wa, sinelan manene la asape popon legienä maro imi, vena Ntewa kipian ga na wa naña sape a la ne ape narina kemua lelaga. ²⁰ Nanua

sumo, pe naloge viowaena re poli, vanon Ntewa si sur punu ga apoga ga, ana siraunia, asumña apim apililua, apororowaia, apioyowa sanene pano-o, sur make ga pe su re si sa naña naga sinenan poli. Naga tamān sape ve sa nene e yomarava, vena kilaen ve sa naña yoko yeririna lala monar asitom asave monar awasine ga naga. **21** Sitomena nene yoko monar sike e narina lala, naña monar alelaga avisave yoko sur la tañatete asu mā sanene silaga, monar asitomāl asave pogos tai yoko naga kila sur la punu ga naña naga sii la aim awo sina, atol kienanaurarena, sa ke ga naña ita narina la nene yoko tetolia.

22 Ana nagane tepisu ke yomarava nini na wa, naña siar nanua sumo pimi, sur la naña asike ea asumña amloge piowa sa naña sira tai sape war narina. **23** A maran taaga sa ke mēna ga ita naña tetol Ninuna Wa sane nalaena p̄esia tai naña Ntewa mla pan ita, naña kila tesitomāl naña p̄isi na nalaena keviu imi sirau na wa. Ita mēna ga, tagena sike e losineta la na wa, a tekilia sa naña yoko teloge viowa mā vano-o tol pogos naña Ntewa wereplan ita vetan yomerava. Sinetan manene sur nene pañisi, komin ita na sane ninis la naña kus plan la ga. Ana e poglis nene, yoko teloge ga wo na wa sane ita tepe narin kemua la lelaga naña teva tesike nena temio e kienanapo.

24 Sur ne nanene naga tamalia ita vanonia, a siar e pogos nene pimi, tesumña temlelaga ke mārera e kienanavisaarena naña sape yoko naga

kila wo van ita ve sanene. Temlelaga m̄arera e naga komin pe tepisu re poli wa, ana pogos naña imi m̄alivi, yoko tañatete si tevisave telelaga tevisave ve sanape, vanon sane ve sanene narui.

²⁵ Ana pe tepisu re sur nene poli wa, ana monar telelaga m̄arera sane yoko ve sa nene, a monar tekila kieta sitomena la ve piayavi vena sumateen vano-o kilamarata la visu ga na wa.

²⁶ Pogos naña tesumate ke sanene, pogos tai sineta marenia a yepeta malumu, ana silaga Ninuna Wa sumña miila ita, pogos tai sinetan tesape telen wo pog m̄arera lala, ana temloge piowa manene narui tekilali naña tepis, tomñal ñepe visena napo navisaena. Ana e pogos nene Ninuna Wa kilia imi, kus leleta narui naga lenin kieta e tagena la naña apisawal ke kieta sitomena la naña visena la pe torokin re avisa poli. ²⁷ E pogos na sanene, Ntewa kilia make ya naña sike e losineta lala ita kiena li na lelagaena lala, a kilia naña Ninuna sumña mlenwo ita ke lala, naña sumña pisa ke ga sur la naña mesmesun nasinenanena naña sike e sitomena kiena ne Ntewa rui.

²⁸ A e pog m̄arera naña tepanea, e ya naña yoko imi m̄alivin ita, tekilia tesape yoko Ntewa kila sane e kana luasa, yoko woga ga van ita naña sineta si naga. Naga kila sanene komin naña mligan plan ita sumo rui vena kila kiena yumñaena wo lala e kieta malena. ²⁹ Naga kilia ruru ita nakonua konua rui pimi, mligan ruru kieta mrapa nakonua rui, ana kila kieta malena ñpar nono na narina naña Yesu. Sanene, ita tepe

puruvi a tepe vineta lala e mratava taaga, naña
Yesu naga sane kieta puruvi nasumo.

³⁰ Nane yumñaena wo ne nane Ntewa kila pa
yeririna la naña mliganar la vena ave kien
namratava lala. Naga pio la vena aim puna, kila
la ape mara wo amio naga, a kila sa naña yoko
atol kien a naurarena e legiena naña yoko imi.

Sinesiena wo kien a ne Ntewa

³¹ Sur la nene akila merarava sane Ntewa sike
amio ita, sumña kila ke po pan ita, a visae ve sa
nene yoko tevisa si ya ne? Visae Ntewa sitom
visae visir plan ita, yoko ane kilia kila si teloru?

³² Tepisu naña Ntewa sinen miye ita manene
pano-o tamān sape awemār narina vanon ita,
ana visae kekaran naña kila pupia yumñaena wo
van ita sanene, yoko kekaran mēna la sur nowo
tañena la van ita. ³³ A nanene Ntewa sumña kila
ke pan ita rui. Naga ga mligan lua ita vena teve
kien a narui, ana yoko a si naña visave ita pe
totorokin re tomālivi e marana poli?

Ntewa ke narui naña sumña pisa ke sape ita
temesmesu temio naga rui, ³⁴ ana a si naña
visave monar towar nakoaena vanon kieta mla-
mulena viowa? Pe yar re tai po, okilakan naña
Navisaarena Yesu kila sur make rui. Naga mare
wo ita, siraunia mal si petan marena, siraunia
pasuñea pa teke tano e kien lele wa ma metava
amio Ntewa, a nagane pisawal ita ke pa Ntewa
vena Ntewa viewo ita. ³⁵ Kristo sinen si ita
manene sanene, sur ya si naña yoko kilalua ita
si vetan kien a sinesiena nene? Pe sur re tai poli.

Pogos tai, yumñaena la urmi pan ita, pon a yar la
akila piowa pan ita. Pogos tai, tetol pog mārera,

pona pe kata kinanena re poli, pona pe m̄ata kulsota re poli. Pogos tai temaraun kieta malena, pona takan playu na mara, ana peraga, silaga Kristo sinen sii ita, a kieta malena su ruru sike e limana. ³⁶ Nanene sa naña Parin Supe Tepet pisa nakonua rui, e pogos naña naga m̄ena kus ke pog m̄arera, naña sape:

*“Kiom̄a kia sike e imimi,
ana sinelan asape awe mom̄ar imimi lue ga,
apisu imimi sane sipsip la naña asvilevilesan vena
asiro kolmekila.”*

Yauena 44:22

³⁷ Ana sur kar la ne sanene, akilia aimi am̄alivi pun ita, ana pe suri korena ga, e sur punu ga na sanene, sinesiena kieno Kristo sike e ita, ana tesulue ga metava, tetaulu silaga. ³⁸ Nekilia nevisaar nena van amiu, nevisave pe sur re si tai poli naña kilia kila Ntewa pe sinen sii ita re si poli. Visae temali pona temare, visae navisi la asike amio ita pona yermare la apimin ita ke yo, visae tevane sur la naña asum̄a am̄aliv ke nagane yo pona tevane sur la naña yoko am̄alivi e legiena na pimi ke ga wa, ³⁹ a visae nam̄areraena wo lala na yo na metava asike amio ita, pona nam̄areraena viowa na yo tano asuwo ita, ana pe sur re nena tai naña Ntewa siia kilia lalua kieno sinesiena vetan ita. Kristo Yesu kieta Supe mligan sinesiena kieno ne Ntewa sike e kieta malena la rui, ana sulue na sike ne.

9

*Pol mloge piowagan naña le Yu la pe sinelan re
alelaga sane Yesu naga pe kiela Navisaarena poli*

¹ Erau lala, nagane sineun nesape nevisayu e lepas nene naña ita le Yu lala, tesape ita na yeririna kiena ne Ntewa lala, ana ita mokliu naña pe sinelan re Yesu poli. Ana yoko ve sanapen la nene? Pogaga, tañatete nevisokan, monar nevisawal van amiu e sitomena wo lañasia naña Ninuna Wa kian pan inu e lepas nene rui, ² ana lelaga, visena la nene, akila sane kiau sineyeena a kiau naloge viowaena keviu pañisi, pe pito re nena tano poli.

³ Nanene komin nagane, kiau malena sikol amio Yesu rui, ana nepisu sane namratava tañena na Yu la naña ita kuruta taaga, kiela malena pe sikol ruru re amio naga poli wa. Visae nekilia nourelua in sina vena la akilia aimi akus leleu, yoko nekekara ga, ana tañatete ve sanene. ⁴ Asitomyuli sur wo la naña Ntewa kila pan ita le Yu la rui, naña la na sanini:

ita ke narui naña Ntewa mliganar kata apua
lus nae Israel lala sape ape kiena yeririna
lala,

ita ke narui naña Ntewa pisawal sape kuslua
ita sane tepe narina lala,

ita ke narui naña Ntewa mligan kapi vivaga
na kiena urarena sumon kieta yeririna lala
e yomema nanua sumo,

ita ke narui naña Ntewa sumña kila ke navi-
ranarena lala amio kieta yermarua lala,

ita ke narui naña Ntewa mligan kiena nav-
isaluaena sike e ita,

ita ke narui naña pupia yumña wa na lotunen
Ntewa sike pun ita,

ita ke narui naña Ntewa pisaar navisa ruruena
moki pan ita,

⁵ ita ke narui naña tepio yermarua wa nasumo
lala, sane Epraam, Aisak, amio Sekop, ape
kata apua lala,

ana metavan sur make la nene, ita ke narui
naña Yesu molue kome kiesta lusia, naga
paeme e yomarava nini sane pe yar ga,
ana naga mëna pe Navisaarena, naña naga
Ntewa naña pe supen sur make ga, naña
popon teyeluar naga silaga vano-o ve uro re.

Sur wo ne naga ke la nene narui naña Ntewa
kila ve kiena ne kiena yeririna lala, ana ita
mokliu naña tepisuia sane ape sur koren ga.

⁶ Nane la naña pe asikol la ruru re amio
Kristo poli, a pona yeririna lapasa asitom asape
suri nene kila sane navisaarena naña Ntewa
mlapésania pe mälivi re sa naña naga pisa poli,
komin naña naga pisaar sape yoko kiena navisa
ruruena su make amio lus kiena ne le Yu lala.
Ana pe sa re nene poli, komin sur tapena tai naña
pa sanini, sape la naña amolue akome lus kiena
Sekop, naña tepio la le Israel lala, pe la make re
naña Ntewa sape la ape kiena yeririna la poli.

⁷ Pona tevisa si visena nene kome mrapa tapena,
tevisave la naña apisape la kala apua Epraam,
pe la make re naña tesape la amolue e kiena lus
nena napo poli. Visena tai naña sike e Visena
Wa pisa sanene rui, naña Ntewa pis pa Epraam,
e lepas na narina lua nene Ismäel amio Aisak,
pisape

“Kiomña lus napo lala yoko amolue ga akome
narumña naña Aisak.”

⁸ Ana visena nene, kana kinasia sape la naþa Ntewa pisu sane asike loyum  e  egas nen lus kienan ne Epraam kemua lelaga, la ape ai? Pe yeririna make re naþa amolue e lus kienan ne sisi taþena la naþa naga  ar la poli, ana la naþa amolue e lus na nisisi naþa Aisak, naþa Ntewa kilologia naga, pisaaria sape yoko kienan navisa ruruena lala sike e la.

⁹ Tekilia tesape sanene, komin nanua sumo Epraam mla sisi pa kiela sira na kilavanen yo  ala naþa Aka, ana sisi nene pe naga re naþa Ntewa sape yoko lus kienan ne Epraam napo la amolue akome poli. Ana Ntewa piranar ruru sina ga amio Epraam, pisape “Epraam, yoko nekila van ko omio wom  Sera, sane e kas na sirau, e pogos na sanini, yoko amiu lua awar narimiu tai, ve yerm ne.” Ana siraunia, sanena naþa Ntewa pisaaria, ana narina ne Epraam nene, Aisak, naga ke narui naþa ita lus kienan ne le Yu lala tomolue tokom ea.

¹⁰ A pogos naþa tepisu Aisak pimi keviu, naga narina tai, a maran taaga ke sina ga, wona naþa Repeka naga  ar kaora Sekop amio Esau, ¹¹ a pogos naþa lalua pe apaeme re poli wa, Ntewa pisawal ya naþa maplar pe kiela lalua. Naga pe sitom re sape kila taveve kiela yum ena lalua poli, sape lalua akila suri piowa pona po, ana kila ga taveve ya naþa sinenan. ¹² Ana pogos naþa lalua apaeme, Esau na paeme  esa a Sekop paeme maro, ana Ntewa pisa pa kala auia, pisape “*Naga naþa paeme maro yoko taþatete logearia naga naþa paeme sumo, ana naga naþa*

*paeme sumo, naga monar logear naga naña
paeme maro.” Nas 25:23*

Sanene, pe ūelaga marua nataveveen re nene poli, ana kila meraravania sape Ntewa pisirlua yaru, pe taveve re sitomena kiena yaru poli, ana taveve ga ya naña Ntewa maplaria. ¹³ A sur nene merarava po pañisi e lepas kiena kaora lalua nene, komin naña visena tapena sike e Nasirien Wa rui, naña Ntewa pisape

*“In na nemligan Esau naña naga paeme pesa,
naga sike vatano, a nemligan Sekop naña
naga paeme maro, naga to metava.” Mal
1:2,3*

¹⁴ Pogaga, Ntewa pisawal kiena sitomena merarava ruru sanene, ana yoko tevisa si ya narui? Pisi na tekilia tevisave ūelaga kiena ne Ntewa nene piowa ga, pona naga kila pe mesmes re e lepas kiena lalua nene poli yo? Ana peraga, tapatete tevisa kare Ntewa sanene. ¹⁵ Nanene sa ke sina visena tapena tai naña pisa pa Mosis nanua sumo rui, naña sape

*“In na nepe Ntewa, sike ga e inu sane nekilia sineu
ye yar ai naña sineun nesape sineu yea.”
Nau 33:19*

¹⁶ Sanene na Ntewa sumā pisa plan kiena yeririna lala, pe taveve re naña la ga apisape naga monar visa plan la, a pe komin re naña la aþion asape akila sur laþasa naña sane pona naga kekaran la vanon yo, ana naga pisa plan yar lala taveve ga kiena sineyeena e yar la naña asumā amloge ke piowa.

¹⁷ Ūelaga kiena ne Ntewa nene, naña kila ke pa yaru taveve ga kiena sitomena, tepisu naga

kila m̄ena pa Parin Sūe Pero nae Isip, e pogos kiena Mosis nanua sumo. Pero nene naga yaru tai nāpa naga kawe ke yeririna kiena ne Ntewa, ana Ntewa pisalua naga m̄ena ga vena kilaen kiena yum̄aena tai, sa nāpa Nasirien Wa pisape, nāpa Ntewa pis pa Pero, sape

In na nepisirlua ko vena ovisuar kiom̄a purvanua. Yoko netam̄an ovilaven kiom̄a m̄areraena sumo wa, ana nekila vena yoko ovisu ga kiau m̄areraena na wa nāpa naga m̄arera manene taulu kiom̄a nam̄areraena, a sineun nesape yeririna la nae yo make ga yoko akilia sane nam̄areraena make ga sike ga e inu.

Nau 9:16

18 Sanene, tepisu yar nāpa Ntewa sinenan sape ve lemam vania, yoko monar ve sa nene, ana visae yar tai ve sa Pero nene nāpa Ntewa sinenan sape kila kiena sitomena m̄arera vania, ana monar ve sa ga nene narui.

Sinemimiena kiena ne Ntewa, amio kiena lemamiena

19 Nepisa sanene, yoko monar sitomena tai va metava nāpa yaru kilia viun sanene, visave “Visae e yaru lāpasia, Ntewa ve lemam van la, a e yar tapena lala, naga sum̄a kila ke nāpa kiela sitomena m̄arera, yoko ve sanape narui? Visae Ntewa naga ga narui nāpa sum̄a kila sape teim towo pona teim teviowa, ana pe pon re naga līpere ita si poli. A visae Ntewa sinenan kila van ita taveve ga kiena nasinenanena, yoko tāpatete tevisalūpar tevisave ve kila re.”

20 Ana yoko nevisataṁe visena la nene, nevisave: Peraga Mara, ko na ope yaru ga, ko ope sur tai naña Ntewa siia, ana ve okilali re naña ovisataṁe kiomña visena tometavan si naga. Naga sa naña visae yaru tai sumña yumñaen porotano ve piaki. Pogos na yumñaen pae porotano ve piaki p̄isi, ana piaki na porotano nene taþatete kilia sumālu vis sina vania, visave, “Ei, komin ya ne omiyumñaen kare in ga sanene?”

21 Ana taþatete ve sa nene, komin yar naña miyumñaen piaki naña e porotano, sike e naga kilia yumñaen taveve kiena sitomena. Visae la narin porotano tai, kilia yumñaen piaki taþena ve lua ea. Tai, piaki nowo tai naña popon þaþagena lala, a taþena, naga piaki tai na umña ga.

22 Ana Ntewa m̄ena ga kila sa ke nene, naga m̄ena ga kiena sur lua naña naga sinenan sape kila. Naga sinenan sape kila yar la avisu kilale naña naga sinen kar ke kiela m̄lamulen viowa lala, vano-o yoko kilia la ruru nakoaena van la amio kiena nam̄areraena. Na konua rui, naga kila kiena sitomena piavi pan la, ana nagane sike ga e naga kilia kila van la ya naña naga sinenan. **23** A sur taþena naña naga sinenan sape kipian la, naga kiena þelaga wo la naña naga sinenan sape kila van ita la naña naga pe lemam pan ita. Nanene naga sane nakonua rui, naga kila ruru kiena navisa ruruena nowo lala, a nagane miyumñaen ita sa naña pias nen sur naña kon la vito ea. **24** Naga kila po pan ita sanene komin ita ke narui naña naga pio ita, naña ita laþasa tomolue e lus kiena ne le Yu lala, a ita

lañasa pe tomolue re e lus kiena le Yu la poli.
 25 A ñelaga nene sane visena kiena ne Ntewa
 tai naña Navisawalena Osea pisawal e kiena tus,
 naña Ntewa pisa sanini, sape

*“Pegas nen yeririna la naña nanua sumo la pe ape
 kiau re poli,
 a nagane nepio la, nesape ape kiau yeririna lala.
 Purvanua nene naña nanua sumo pe nesitomál
 re poli, a nagane nesape nekekaran pañisi.”*

Ose 2:23

26 A yam si tai, Osea pisawal tañenan si visena
 kiena ne Ntewa tai, naña pisape

*“Nanua sumo nepisa pa yeririna nae e yo nini lala
 nesape la pe ape kiau yeririna re la poli,
 ana nagane, yoko aloge naña asumá avio
 la asape naruu lala, in na nepe Ntewa
 namareraena, nepe Ntewa naña nemali.”*

Ose 1:10

27 A visena tañena pisa ke mëna sanene, naña
 sike e tus naña Navisawalena Aisea siriyuia. E
 yo nene, naga mloge piowagan le Israel, pisape

*“Pegas nen yeririna nae Israel lala la moki
 manene laa, la moki na moki, la sane mras
 nen none naña yar wolo ñele ga.*

*Ana suri piowa tai, yoko la ve lua la ga naña
 Ntewa tamalia la.*

28 *Ana e pogos na lipereena, yoko naga la
 nakoaena va yeririna lala na yomarava.
 Yoko kilapel ga la ve moki naña pe amlelaga
 re poli.”*

Ais 10:22,23

29 A nanene yoko ve sa ga visena tañena naña
 Aisea siriyu nanua sumo rui, naña pisayu pogos
 na lipereena naña yoko imi, naña visae Ntewa

ve sinen ye re yaru, yoko la punu ga akokovio.
Visena nene pisa sanini, sape

*“Ntewa pitomi amio kiena yar na mara lala, lavisi
we mom̄ar make ita. Visae ve sinen ye re
narita la naña avetorokaki, ana mligan la
asikena, yoko kieta lus la akokovio make
nenaga.”*

*Lavisi naga kila van ita maran ve taaga torokin
ke ya naña kila pa yar viowa la e pupia yo
lua nene nanua sumo, Sotom amio Komora,
ana siraunia kila sane ita lap̄as tekilia
temal tesike ga wa.”* Ais 1:9

³⁰ Pogaga, visena la nene kana kinasa sanini, sape la naña pe ape Yu re poli, pe aipi re yon naña ataveve navisaluaena kiena ne Ntewa poli vena amesmesu e marana, ana siraunia, pogos naña amlelaga e Yesu, Ntewa kila la ga apim amesmesu e marana na wa. ³¹ Ana le Yu lala, aptionli naña aimi alogear navisaluaena vena aimi amesmesu e marana Ntewa, ana akila ñele nena yonia, ana la apiowa ga narui. ³² Nepisape piowa pan la sanene, komin naña la aþillion naña aimi amesmesu e marana Ntewa, ana la akom e mrapa taþena, apa amlor ruru nena ea. La akome mrapa naña asitom ke sape kiela yum̄aen wo lala kilia kila aim awo amio Ntewa, ana pe sa re nene poli. Monar tesumal ga tese e ya naña Yesu kila, naga ke nene narui kieta mrapa naimen towo si temio Ntewa.

³³ Visena si tai sike e tus kiena Aisea, naña Ntewa pisawal þakaiwa tai, naña pisayu kilavaru na ñeren yum̄a tai, ana kilavaru nene naga Yesu, sane Navisaarena naña Ntewa mligan naga pimi.

Visena nene pisayu sa naña yar lañasa pe sinelan
re kilavaru nene poli, ana lañasa amlelaga ea,
ana pisa sanini, pisape

“Avisu ruruia!

*Nesumña nepisirlua ruru kilavaru wo na ñeren
yumña tai, nane metava e kunus naña Saeon
e pupia pulkumali kienā kiau yeririna lala
nae Yerusalem.*

*Kilavaru nena mñarera ruru po, ana yoko yar la ve
moki naña yepela mavinia, atan mña lala ea
vano-o kila alolor kar ga va ke ne.*

*Ana yeririna la naña alelaga e kilavaru nene,
asumñalarla asea, yoko nekila wo van la
vapisi.”*

Ais 8:14, 28:16

10

*Yesu ga kilia kila ita temesmesu e marana
Ntewa*

¹ Erau lala, nemloge piowagan naña kiau lus
ruru nena lala, sa naña le Yu lala, pe amlelaga
re poli. Ana sineun manene nesape monar atol
natamaliaena, nane nesumña nemlen manene ke
pa Ntewa vanon la ne. ² Asumña aþikeyon naña
akale Ntewa e kiela malena, ana nepisa lelaga,
amninue mrapa, yoko taþatete alualia. ³ Nanene
komin ga naña asumña ataveve ke ga kiela sit-
omena lala, ana yepela mavin taveveen mrapa
naña Ntewa miyumñaenia vena kilaen yaru imi
mesmesu sina e marana. ⁴ Asumña amñareran
ke ga naña asape nalogearen ga navisaluaena
naga pe mrapa, ana mrapa nene piowa rui,
komin naña ita make ga tekilaro navisaluaena
lala. Mrapa naña tesape temesmesu temio Ntewa

komin naña temlogear navisaluaena, Kristo suwo rui, a naga miyumñaen kieta mrapa viu tai. A nagane, visae telelaga tevisave Kristo þar plan kieta mlamulen viowa lala, ana Ntewa kilia kila ita teim temesmesu e marana.

⁵ Visae ve tekilaro re navisaluaena, yoko woga ga, tekilia teim temesmes e marana Ntewa komin naña temlogear navisaluaena, komin Mosis pisa visena tai e lepas nene rui, pisape

“Yaru naña taveve ruru sur make ga naña navisaluaena nene pisa, yoko tol malena.” Lev 18:5

Ana pe yar re tai naña kiena malena po sa naña Mosis pisa poli, ana taþatete tetol malena kome kieta yumñaena wo la naña tekila. ⁶ Nakilaen sanene, naga märera papísi, ana visae telelaga ga e Kristo tekilia teim temesmesu e marana Ntewa, a naga pe pe sur re tai naña märera poli. Sane visena tai naña Mosis pisa, naña pisape

“Pe pon re asitom avisave sur nene märera papísi, ana asumña aviuviuñ avisave ane yoko kilapesan mrapan ita vena vaen ma e peni?” Nav 30:12

Naviunena nene kana kinasa sape ane kilia va tol ma e peni were Kristo vitom tano e nini vena tamalia ita, ana sitomena na sanene piowa ga. ⁷ Pona aviuñ naviunena taþena naña sike e Nasirien Wa la yo, naña sape

“Ana ane kilia vito tano vito tol yo kiena yar mare lala ana wasuþe sina?”

Naviunena nene, kana kinasa asitom sape Kristo mare e lak torovia, ana naga mëna ga pito sike e lelen marena, ana asitom asape taþatete yar tai

kilia vito si werelua naga e yo nene vena vam tamalia ita, ana tekilia tesape visena la nene pe po re poli. Tekilia ruru rui tesape Kristo molue ma e peni pitomi tano rui, a siraunia mare, pisi na naga sumalu mal sina a pa si ma e peni rui. ⁸ Visae ve sanene, tekilia tevisatarñe naviunena la nene, tevisa visena tañena naña Mosis pisa nanua sumo, naña pisa pisape

“Visena kienan ne Ntewa naña pan ita ita yeririna lala sike amio ita rui. Sike e limata, ana tekilia teligan se gota, tekilia teligan ruru se kieta sitomena lala.” *Nav 30:14*

A visena kienan ne Ntewa naña visena nene pisayuia, nane Lologena Wo naña mesumña melologon ke ne, naña pisawal ke sape yar lala monar alelaga e Yesu Kristo.

⁹ A ko ai naña olelaga e Yesu Kristo e losinemña, ovisave Ntewa naga kila naga mal si petan marena, a okekaran naña ovisawal e yo metava ovisave ombla Yesu pe kiomña Suñe, yoko otol malena. ¹⁰ Nanene komin naña visae yar naña lelaga e losinena visave Yesu naga mal sina petan marena, a visawal e yo metava visave Yesu naga pe kienan Suñe, yoko Ntewa ve la re si nakoaena vania komin kienan mlamulena viowa lala, yoko tamalia naga. ¹¹ Naga nene sane visena tai na Siriena Wa, naña sane pisayu naña temlelaga e Kristo, naña pisape

“Yaru naña mlelaga ea, naga tañatete kienan sitomena loru pog tai.” *Ais 28:6*

¹² Yaru naña mlelaga naga pe Yu yo, pona naga pe pe Yu re poli, ana Suñe naga taaga pe kiela suñe la punu ga, kila make po pan la naña

atag ke pania. ¹³ Naga sane visena tai naña Navisawalena Soel siriyu nanua sumo, naña sape “*Yaru ai naña vio kia kienā Supe, yoko tamalia naga.*” *Soel 2:32*

¹⁴ Ana lelaga, le Yu la mok liu naña pe apio re Kristo asape tamalia la poli, ana sanape na sanene? Nanene komin tañatete avio naga visae ve alelaga re ea, a tañatete alelaga ea visae ve alogeli re kienā kia pogos tai, a tañatete aloe kienā kia visae ve yar va lologon re van la. ¹⁵ A tañatete yar va lologo visae Ntewa ve ligān lūa re naga vano, ana visae yaru nene kekarān naña vano, yoko ve sa naña Siriena Wa pisayu rui, naña sape

“*Potēna pāpisi pa Ntewa naña kienā nalologena lala, temloge la amial tamīn ke ava e kiela mraplepa la ne, asumā apava ke amio kienā lologena wo.*” *Ais 52:7*

¹⁶ Nane visena naña yar lañas asumā apisasa, ana nekilia nesape Peraga, Ntewa sumā pitetalia kienā nalologena lala apava ke rui, ana piowa pāpisi naña le Yu la mok liu yepela mavin ga logeena. Nanene taveve ke sina ga visena na Siriena Wa tai, naña Navisawalena Aisea tagi pa Ntewa na mava, sape

“*Ake Supe, mesumā memlologon mā kiomā visena pano-o, ana sane yar la yepela mavin ga logeena.*” *Ais 53:1*

¹⁷ Ana nagane imimi sanene, mesumā memlologon ke Yesu Kristo pan la, a pogos naña mesumā memlologo, lañasa amloge, a pogos naña amloge, lañasa amlelaga.

*Komin ya ne omlologon ke pa le Yu la naña
apuloyu ke Siriena Wa la rui?*

¹⁸ Nane nesumña nemlologon ke pa le Yu la ne, ana yoko naviunena tai kilia kate e nene, sape Pona osumña omlologon ke pan la sanene komin naña ositom osape pona la pe amloge re ya naña Siriena Wa pisayu poli yo? Ana yoko nevisatamëea nesape, Peraga, visena kienan Ntewa tol la nakonua rui. La make ga akilia maran taaga torokin ke naña la make ga apisu ke mrae amio kupario a verue lala, sa ke ga naña visena tai e Tus na Yauena pisayuia, pisape

*“Yeririna make ga na yomarava nini wetelu apisu
sur la meta e sinapane, a apisu kilalea sane
Ntewa sike na,
pano-o tol yeririna la e yo la naña asike koperina,
la mëna apisu kilale asape kienan märeraena
keviu papisi.”* *Yauena 19:4*

¹⁹ Sanene, sane le Yu lala apisu kilale sur mokliu rui, ana sur viowa tai, la asitom asape Ntewa tamalia la ga yo. A pe apisu kilale re asape Lologena Wo naga kienan yar make ga, komin Ntewa sinenan sape tamalia mëna yeririna la naña pe ape Yu re poli.

Ana popon avisu kilale sur nene, komin kiela navisawalena marua lalua apisayu nakonua rui e Siriena Wa lala asape yoko ve sa nene. Mosis pësa, naña pisayu visena tai naña Ntewa pisa pale Israel lala, naña sape

*“Apisu piowa e la naña pe ape Yu re la poli,
sa naña la ape sur korena ga, ana yoko
amiu avielue e navisa ruruena la naña yoko
nekila van la.*

Amiu asitom asape tāpatete la nene akilia akila sur wo tai, ana yoko sinemiu kari la e pogos nāpa amiu avisu netamalia la m̄ena ga.”

Naw 32:21

20 A nalua nena, naga Navisawalena Aisea, naga m̄ena sumālu pisawal nena visena tāpēna si tai kienā ne Ntewa e marana kata apua ita le Yu lala, nāpa Ntewa pisayu la nāpa pe ape Yu re poli, pisa pisape

“Nanua sumo, pe akale in re poli, ana siraunia, yoko atamān inu, nanua pe apiunin re poli, ana yoko siraunia, sinelan asape neva nakaten la.” *Ais 65:1*

21 Ana Aisea siri plan tāpēnan sina visena kienā ne Ntewa tai, nāpa Ntewa pisayu la nāpa pe ape Yu re poli, pisape

“Yar la nene asumā amlogelu inu, asumā akoven-lua inu silaga.

Nakonua rui nepikēpa ga lumāu pan la, sineun nesape awasupēla aimi si pun inu, ana la na peraga narui.” *Ais 65:2*

11

Le Yu la yepela mavin Yesu, ana Ntewa pe pilon re m̄asina pan la poli

1 Naviunena tāpēna sumā ga, nane e lepas kienā le Yu lala, sa nāpa pe amlelaga re e Ntewa poli, ana naga m̄ena ga sumālu pilon m̄asina pan la, pona peraga?

Nekilia nesape peraga, naga pe kila re sanene poli komin in na nepe yere Yu na nesike ne,

inu m̄ena ga yermarua Epraam naga pe repiu marua, a in na nomolue e lus kienā yermarua Pensiman, a nekilia ruru po naña Ntewa pe koven lua in re poli. ² Sanene, nekilia nesape peraga, Ntewa pe koven plan ita re ita naña pio ita tepe kienā. Popon tesitorial Sirienna Wa tai nanua sumo rui, e pogos kienā navisawalena Elaisa. E pogos nene, Elaisa mlogue piowagan þarmarera kienā yeririna lala kienā ne Ntewa, ana pisimumu pa Ntewa, sape

³ *“Suþe, kiomña navisawalena lala, kiomña yeririna la asumña amemomar la,
a kiomña wonta wa lala, asumña akilarovia,
a piowa pano-o nepisu sane in ga taaga nepatanon
ko ke narui,
a nagane in m̄ena ga, ataveve in ke ne asape
alalua kiau malena.”* *Suþe1 19:1*

⁴ Ana e poglis nene, Ntewa pisatañea, sape “Peraga Elaisa, pe ko ga taaga re poli. Pe okilia re poli, ana e yo nene in na kiau yeririna la tol manu olua [7000] la asumña sane ko, naña pe akila re lotena pa nono navisokanena poli, naña Paal nene.” *Suþe1 19:18*

⁵ A nagane, e kieta pogosa, maran taaga ga amio nene. Yar moki liu naña pe amlelaga re poli, ana ita ke narui naña tesike ne, ita narin þegas nen le Yu lala, naña Ntewa pe lemam pan ita, kian plan ita, narui temlelaga ea. ⁶ Ana popon tekilia ruru tesape Ntewa kian plan ita vanon ya? Pona yar laþasa asitom ke asape naga kian plan ita komin tekila ke yumñaena wo la moki naña naga kekaran yo. Ana peraga, komin visae ve sanene, kana kinasa sane lemamiena

kienā ne Ntewa pe kila re nena sur tai poli. Ana Ntewa kian plan ita pe e re ga e naña tekila sur wo la moki poli, ana kian plan ita e ga e kienā lemamiena wo pan ita.

⁷ Tekilia tesape ita le Yu lala, ita make ga tesumā takale ke mrapa naña teim temesmesu temio Ntewa, ana ita lua la ga naña tomñalia. Ana visae ve sa nene, yoko ve sanapen tañena la nene? Nanene kana kinasa sane la mokliu naña ape ñarmarera papisi, ana pe amal re mrapa nene po la wa. ⁸ Visena na Siriena Wa tai pisayu la ne sanene, sape

*“Ntewa tamān la asumā ga amio kiela wowe lala,
 Ais 29:10
 ana pimi tol nagane sa naña kilamarala la sike
 na,
 ana pe apisu kilale re sur poli,
 kiligala la sike na, ana pe amloge kilale re sur
 poli.” Naw 29:4*

⁹ A sa mēna visena kienā Parin Suñe Tepet nanua sumo, pogos naña sinenan sape Ntewa lalua ñareraena kienā nasinekar lala naña asumā amararan ke naga. E pogos nene naga piun tai Ntewa, sape

*“Suñe, kiau nasinekar la nene silaga asumā am-
 loge ke pon kiela pupia ñapagena lala,
 ana nesape neviun tan ko vena okila sane
 kiela na logewoena la nene vim sane suri
 tai naña kila kare ruru la nenaga, kan la
 ke sina ga, kila sane pe apisu kilale re sane
 kiela nasinekar la asike ga lavisin la poli.*

¹⁰ *Ana popon sane okila kilamarala imi ñala, vena
 ve akilia re si avisu kilale sur lala,*

*a okila naña kielo nasinekar la amarareran
naña ayumae koren ga, awar sur urmi la
e masila.”*

Yauena 69:22,23

¹¹ Ana e lepas kiena ne le Yu lala, Ntewa pe koven plan la re poli, ana pe lelaga naña, la apiowa tote mñaga. Ana napiowaena kiena la nene, kila narui Ntewa tamalia la naña pe ape le Yu re la poli, a pogos naña le Yu la apisu Ntewa sinena miye mñena yaru tañena la nene, apisu piowa ga, apieluen la, ana kila amarareran vena la mñena ga monar aim amesmesu ke sina ga amio Ntewa. ¹² Ana na nene kana kinasa sane le Yu lala kielo ñelaga nene, naña pe amlelaga re e Yesu poli, nanene kila mrapa na viewoena a navisa ruruena kiena ne Ntewa kilia imi tol la naña pe ape Yu re poli.

A visae le Yu lala, la mñena alelaga, alelaga vano-o tol marana naña Ntewa pisaaria, yoko kilia kila naña kiena navisa ruruena lala aim ave keviu manenea.

¹³ Pogaga narui, sineun nesape nevisa narin visena tai e lepas na pun amiu la naña pe ape Yu re poli. In na nepe nalologena naña Ntewa pisirlua inu vena navanon nevisawal kiena lologena wo van amiu, a naga pe yumæna tai naña nomarareran ruru kilaena, komin naña nepisu po papisi. ¹⁴ Nanene komin naña nepisu sane pog naña nemlologon ke pan amiu naña pe ape Yu re poli, asumæ amlelaga, a kila naña imimi le Yu lañasa sinelan asape la mñena monar ava loyumæ ea, ana la mñena amlelaga.

¹⁵ Sumo na, Ntewa pilon mäsina pa le Yu lala, a nanene kila naga pisu la naña pe ape Yu re poli

la rui, naga sitom sape kilia kila kiela mrapa aim ave mara wo sina amio naga.

Ana visae le Yu la avilon la a la m̄ena awasupela puna Ntewa, vera wo na wo, komin nagane la sa ga naña amarmare rui, ana visae alelaga e Yesu, yoko aim sa naña amal sina.

¹⁶ Yoko nevisa pākaiwa tai e yo nene e lepas na mralaki p̄esia naña tesumā top̄ar pa e yumā na leniena, tepisa potena vanonia pa Ntewa, teyawawoia ve sur wa. Ana pogos naña top̄ar p̄esan mralaki pa Ntewa, kila sane mralaki tañena m̄ena la naña pe top̄ar re poli, lala m̄ena ape wa, ape kana Ntewa. Ana yermarua kien le Yu lala, la sane mras p̄esia naña apa p̄esan e yumā m̄ana Ntewa, a kila sane le Yu la naña aim sirau, la m̄ena ga ave kien ne Ntewa. A yermarua la nene, la sane purlaki tai naña sumā kapur ke e lokove kana Ntewa, a visae purp̄esa ve kana Ntewa, yoko korowas la naña avim sirau la m̄ena ave kien ne Ntewa.

¹⁷ Sanene, purp̄es nene amio korowas lala naga kana kinasa yeririna kien ne Ntewa lala, sane le Yu lala. Ana siraunia, Ntewa pisu korowas lañasa piowa ga, ana peve plan la, a pa te plan ruru korowas nen laki tañena tai naña sike ga yom̄arua, ana ñpar pimi, a teruruia piar la panon purp̄esia naña sike lokove, vena kus lelen korowas la naña peve plan la rui.

Ana korowas tañena la naña pimi sikol e purp̄es nene, kinasa sane kam la naña pe ape Yu re poli. Amiu na pe amolue re e purp̄es nen yeririna kien ne Ntewa napo poli, ana naga sinenan sape amiu m̄ena monar asikol amiu

amio la loyumā e kana lokove, vena amiu punu ga awar kienavisa ruruena lala.

La naña pe ape Yu re poli, la tapatete akilia awarwarlan naña Ntewa pere la

¹⁸ Sanene kam naña pe ape Yu re poli, kam na monar ve awarwar amiun re naña Ntewa piran amiu amio kienayerririna lala, komin naña amiu na pe ape purp̄es re poli, ana kam na ape korowas ga la naña Ntewa sikol amiu e purp̄es nene naña sike pa sumo rui. Korowas lala pe kila re purp̄es mali poli, ana purp̄es ke narui naga sumā kila korowas la amali. ¹⁹ Sa nene, pe pon re kam na asitom asape kam apo poli, ana asape, Ke, Ntewa na sinenan imimi pañisi, ana peve plan korowas lañas petan purp̄es nene vena kila sane mekilia mesikolia.

²⁰ Lelaga naña Ntewa peve plan korowas lañas, ana kila ga pa le Yu la naña pe amlelaga re e Yesu poli, a pe lelaga naña sinenan sape amiu akilia asikol amiunia, ana nanene pe komin re naña akila yurnaena wo lañas poli, ana komin naña asumāl mārera e kiamiu viawaena e naga. Sanene, ve avilaven re naña apimi sane yeririna lala kienane Ntewa, ana monar ava ruru amiu asumā asitom ruru sur wo nene naña Ntewa kila pan amiu. A monar maramē amiu ruru māna ga, ²¹ komin naña sane Ntewa koven plan korowas marua la nene naña kienayerririna la naña pe amlelaga re poli, yoko naga kilia koven plan amiu mānenaga korowas viu lala maran va taaga sa ke ga, visae ve amiu awar re mras wo lala. ²² Sanene, e nene tevisu p̄elaga kienavisa ruruena lala.

ne Ntewa e lepas ga luwoka. E kana lepas tai, kiena sinemimiena m̄arera na m̄arera pan la naña amloru, naña pe asm̄al re m̄arera e naga poli, sane le Yu lala. Ana e kana lepas tap̄ena, naga pe lemam pañsi pan la naña pe ape Yu re poli, naga la naña akekarania a asum̄ia ataveve ruruia. Ana la m̄ena ga visae ve asum̄alu re m̄arera, naga kilia te plan la sina ga vetan purþes wo nene naña asum̄ia asikol la ea.

²³ Nanene naga kila pa le Yu la rui. Pe amlelaga re poli, ana te plan la, ana visae avilopu la ga, akilia awasup̄ela, ana Ntewa kilia sikol rurula sina e purþesa sane kiena yeririna ruru nena la napo. ²⁴ Naga kila sanene rui pan amiua naña pe ape Yu re poli, komin naña amiua na sane korowas nen laki na yom̄arua, ana naga þere amiua apimi, sikol amiua e purþesa naña sike e kana lokove, ana asikol amiua amio navisa ruruena naña naga sinenan sape la van kiena yeririna lala. A visae kila van amiua þisi, yoko kilia kila m̄ena van le Yu la naña naga te plan la, komin naga kekaran sikol ruru la sina e purþes nene naña asikol e naga nanua sumo rui.

Ntewa sinenan sape le Yu lala atol natamali-aena

²⁵ Erau lala, sineun nesape nevisawal van amiua la naña pe ape Yu re poli, sane monar avisu kilalea sa naña Ntewa pe koven plan re kiena yeririna la nene poli, naña le Yu lala.

Lelaga sane asum̄ia ape þarm̄arera ke ga wa a yepela mavin lelagaena, ana naga mligan la towe m̄a ga sumo, a sum̄ia kila ke naña amiua naña pe

ape Yu re poli akilia alelaga, akilia aim ave moki loyumña vano-o tol pupia maran naña Ntewa sinenania. Sur nene sane sur tapolou tai naña yar la pe akilia pesan re poli, ana nagane Ntewa kila meraravan ruruia. A monar akilia sur nene, komin pe pon re awarwar amiun poli, asitom asape Ntewa sitom amiun ga, ana pe kekaran re si le Yu la poli. ²⁶ Pe sa re nene poli, ana yoko naga tamalia la na wa, sane visena na Siriena Wa tai, naña pisa sanini, sape

*“Yar na tamalia itaen yeririna lala kienan ne Ntewa
yoko mñalivi ga e kieta yo,
e kieta pupia pulkumali nene Yerusalem metava e
tavie naña Saeon.*

*Ita lus lala kienan Sekop, ita le Yu lala
naña kieta napiowaena la moki papisi, ana yoko
naga ke narui imi war plan make kieta
nakoaena lala, kila ita towo sina.”* *Ais
59:20,21*

²⁷ Visena tañena na Siriena Wa tai pisawal navisaarena kienan ne Ntewa tai e mñena e lepas nene, naña pisa sanini, sape

*“Kiau navisaarena pan la sike pa rui,
sape yoko nowar plan kiela mlamulena viowa
lala, neviewo la make ga.”* *Ais 59:20,21,
27:9*

²⁸ Pogos naña Lologena Wo pimi mñalivin le Yu lala, la pe sinelan re poli, ana e lepas tai naga po, komin naña kila sane kam la naña pe ape Yu re poli, Ntewa mla tote pulmas pan amiun vena alelaga. Ana e kana lepas tañena, naga mñena piowa ga, komin naña kila le Yu la apim si sane nasinekar kienan ne Ntewa lala. Ana Ntewa

tāpatete kilia visu la ave kiena nasinekar silaga, naga monar sinena ye la sina, komin nāpa naga tāpatete sinen p̄esan kiena visaarena wo la nāpa kila pan li marua lala kiena ne kiena yeririna la nene, le Yu lala. ²⁹ Ntewa pisaar navisaar ruruena la pan la p̄isi rui, a naga pio la ape kiena rui, a yoko naga tāpatete kilia vilon sina ga kiena sitomena pogos tai.

³⁰ Sanene, naga miyum̄ae e ita sanene. Nanua sumo, kam nāpa pe ape Yu re poli, kam na pe amleлага re e Ntewa poli, ana pogos nāpa imimi le Yu la imimi pe meleлага re e Lologena Wo poli, nanene kila kiena mrapa vena sinena ye ami. ³¹ A pogos nāpa naga sinena miye ami sanene, kila nāpa imimi m̄ena memleлага e Lologena Wo, ana yoko naga kilia sinena ye imimi sina. ³² Nane sitomena kienā ne Ntewa sanene narui. Nanua sumo naga tamān nāpa ita punu ga teyal e mrapa nāpa pe sinetan re logeen kiena visena poli, kila sane naga kilia sinena ye ita, kilia were ita punu ga teim teve kienā.

³³ Erau lala, navisa ruruena lala kienā ne Ntewa e ita keviu pāp̄isi! Kienā manmaruaena a kienā kiliaena apa manene laa metava! Kienā sitomena la merorol pāp̄isi, a kienā p̄elaga la apowo manene laa! ³⁴ Sa nāpa visena na Siriena Wa tai pisa, pisape

*“Pe yar re nena tai nāpa torokin tol ya nāpa teke
e sitomena kienā ne Ntewa.*

*Pe yar re nena tai nāpa torokin kilia la visena na
iilarena va Ntewa.*

³⁵ A *pe yar re nena tai nāpa kila po pa Ntewa
torokin nāpa kilia kila Ntewa monar lama-*

*ran si navisa ruruena wo la vania ve sa
naña naga sumña pár ke pan ita.” Sop
41:11*

36 A nesikol visena nene, nesape: Kieta Ntewa, naga taaga pe purþes nen sur make ga, naga taaga pe m̄areraena na sur make ga, naga taaga pe luas nen sur make ga, ana popon ita punu ga teyeluar luen ga naga vano ve þisi re pogos tai.

12

Pelaga wo kiena yaru naña mleлага

¹ Erau lala, sa naña Ntewa sinena miye amiu ruru nena ga, kila po pan amiu paþisi, sineun neviun manene van amiu vena monar atam an kiamiu malena wetelu vania. Monar ave wa ruru wo, sa naña amiyawawo tasnemiu pania sane kuþap aena tai naña amla pania. Naga pe pe kuþap aena re sane sur mali tai naña am em ar mare, ana naga pe kuþap aena naña sane mali, a yoko Ntewa kilia kekar an manenea. Naga ke narui þelaga mesmesu na kilaen lotena va Ntewa naña mesmesun naña akila. ² A ve atam an re sane naviowaena lala na yomarava nini awere amiu vena ataveve kiena þelaga, ana silaga, monar atam an Ntewa kila kiamiu sitomena la imi ve urviu sina. Sanene, yoko kiamiu þelaga kilia vilonia, kilia imi wo silaga, a yoko akilia ayaloro ataveve nasinenanena kiena ne Ntewa, naña po, merarava a mesmesu naña mesmesu silaga. ³ Nepisawal visena la nene pan amiu, komin naña Ntewa pe lemam pan inu, mligan lua inu, mligan yum aena nene e lum au narui. A

nesape nevisa re m̄ena suri tai van amiu, sane pe pon re si naña asumña akila kiamiu sitomena apa manene metava poli. Tekila kiena yumñaena sanape, ana kieta sitomena la monar mesmesu, monar su ga tano. ⁴ Tañatete tevisave ita na tepo laa taulu tañena lala, komin ita na sane tas nen yaru taaga, naña kana korowasa la asumña ga, ana korowasa la peve taaga nene kiela yumñaena na kilaena la susumña ga. ⁵ Sane ita moki, ana Kristo pere ita make ga tepim tepe taaga, ana sane inu neñasine ko, a ko oñasine inu. ⁶ A Ntewa pe lemam pan ita, a tamān nakiliaena tañena lala pan ita, naña sane nalaena lala naña naga kian plan pan ita vena teyumñae temio. A ita veve taaga monar tomñareran teyumñae temio ya naña mla pan ita. Sanene,

visae Ntewa tamān van ko sape kiomña, ko na ove navisawalen visena naña mla pan ko, ana monar okila omio pupia lelagaena naña sape sane kienasena nene pe lelaga papisi,
⁷ pona visae kiomña, ko na ove naiilaen yumñaena na sumñare, monar okila omio kiomña mñareraena wetelu,
 pona visae kiomña, ko na ove navianena yaru e visena kienasena ne Ntewa, ko na monar yeperña mñaen ruru kilaena,
⁸ pona visae kiomña, ko na ove naiilaaren sitomena kienasena yaru lala, ko na monar ositom urmin kilaen,
 pona visae kiomña, ko na ve nalaen naiilaena, monar owar ve moki,

pona visae kiomña, ko na ove nasumonen yaru
 lala e yumñaena kienā ne Ntewa, ko na monar
 ve omalum re,
 pona visae kiomña, ko na ve naiilaen la naña
 asike e pog märera, ko na monar okekaran
 kilaena.

9 A naga ke nene narui ūelaga wo tañena la naña
 akila:

kiamiu sinesiena e yaru tañena lala monar ve
 lelaga,

monar aure vetan ūelaga viowa lala,
 monar auarar ruru ūelaga wo la märera,

10 monar avinaia amiu sane ave namratava
 taaga ga,

monar akilali naña avisu sane ane yoko kilia
 kila ruru ūelaga navatanonena va la ga wa,

11 ve atamän re naña kiamiu sitomena märera
 na kilaen suri wo la kovio sina vetan amiu,
 monar akila sane kapi vivaga sa Ninuna Wa
 sumña vivaga ruru e amiu,

12 monar akekaran navisaarena kienā ne
 Ntewa naña kiamiu sitomena wasinea sane
 yoko kila wo van amiu sa ga naña naga pisa,
 pogos naña avane naloge viowaena, monar
 akila kiamiu sitomena ve piavi,

monar alen silaga,

13 pogos naña li naleлагаena tañena lala limala
 plasan suri lañasa, monar akekara aliureure
 suri van la,
 a monar akekaran visuaren yaru tañena lala e
 mämiu umña.

14 A nanene suri si lañas nanini narui naña

monar asitom ruruia vena kilaen va yaru tařena lala:

visae lařasa asumňa akila kare amiu komin nařa amleлага e Yesu, monar akila wo van la. Ve avis re viowa van la, ana aviun Ntewa visa ruru la,

¹⁵ visae lařasa amloge po komin suri nowo tai, amiu mňena monar akekara amio la, visae lařasa asumňa atagin ke sur tai, amiu mňena monar atag amio la,

¹⁶ visae amiu amio tařena lala, monar asu ruru ga amio la nařa kiamiu sitomena ve taaga ga,

visae ayumňae amio tařena lala, ve aligan amiu re metavan la, sane amiu na apo, ana akekaran ga narin yumňaena lala, a akekaran ayakol amiu amio yar la nařa ave torokaki, visae akila suri lařasa, ana ve asitom re avisave ape manmarua, ana akila kiamiu sitomena vito su ga tano,

¹⁷ visae yaru lařasa akila viowa van amiu, ana ve akila maran re si naviowaena van la, ana silaga monar asitomňalia vena akila suri punu ga nařa yoko yaru la akilia avisu kilale asape po a mesmesu,

¹⁸ a visae kiamiu suri viowa tai sike likan amiu amio yar tařena lala, monar akila suri make ga nařa sike e limamii vena were si sumňarena imi sike pun amiu punu ga.

¹⁹ Erau lala, sineu si amiu papřisi nane nepisa sur la nene pan amiu. Lařas sina sanini, sane:

“Visae lařasa akila viowa van amiu, ana ve akilali nařa ala nakoaena van la. Akilia

aligania van Ntewa vena naga liþere mare la sirau, komin visena tai sike e Siriena Wa rui, naþa Ntewa sape,
in ke narui naþa yoko nela nakoaena van yeririna lala, inu ke narui naþa yoko nelamaran va la naþa akila ke piowa." Nav 32:35

20 A sanene, visae kiamiu nasinekar la asumña ga, monar akila ruru la, sa naþa visena na Siriena Wa pisa, naþa sape

"Visae kiomña nasinekar visokaria, ola kinanena vania, visae moto karia, ola wii vania. Visae okila sanene, yoko okila naga mawan kiena þelaga viowa vapisi, vano vano-o pona kekaran naþa amiu lua ave erau wo sina yo." Pakaiwa 25:21,22

21 Taveve suri la nene, nepisa sanene pan amiu, nesape ve atamän re þelaga viowa taulu amiu, ana monar ataulu þelaga viowa e kiamiu þelaga wo lala.

13

Li naleлагаена la monar avatanon yerkawa lala amio þarin suþe lala naþa Ntewa pisir plan la

1 Nagane sineun laen visena laþasa e lepas kienas li nasumonena lala. Tekilia tesape Ntewa na mon manene laa metava, naga pe suþen ke suri punu ga, a naga ke narui þarin suþe taþena la naþa asike ne, mla m  areraena pan la. Sanene, ita li na lelagaena make ga monar tevatanon þarin suþe la nene, monar telogear la. 2 Yaru la naþa visae asumña akilali naþa avisaluþpar þarin suþe lala, asumña apisaluþpar ke suri naþa Ntewa

pisirplania, a yoko Ntewa tamān ūparin supē lala akilia ala nakoena van la vanonia. ³ Ūparin supē lala, Ntewa pe pisiriplan la re poli vena kilaen yeririna wo la amara, ana naga pisiriplan la komin la naña asumā akilaro ke navisaluaena. La ke nene narui monar amara, komin naña visae ūparin supē tol la yoko la nakoena van la. A visae sinomān sane ve omaraun re ūparin supē, yoko monar okila mesmes ga e ya naña yerkawa la apisa, ana yoko ve akila re viowa van ko, yoko akekaran ko. ⁴ Ntewa pisiriplan la sane ape kiena yaru na yumāena lala, vena kilaen yumāena wo naiilaen yeririna lala, a visae sinomān kilaen ūparumā, monar ovisuar ruruia, komin naña asumā aþparar ke mēna plaki, ana pe aþparar korenan re poli. Ntewa pisiriplan la, mligan e limala vena ala nakoena van la naña akila piowa. ⁵ Sanene, popon tevatanon ūparin supē lala, komin naña pe pon re tekila viowa poli vena ala nakoena van ita. A nekilia sane kieta sitomena sumā pisu kilale ke mēna rui sape popon manene visae tesumā tekila ke sur make ga wo mesmesu silaga. ⁶ Taveve visena la nene, popon tekekaran toul takis lala naña monar tela va ūparin supē, komin pog naña ūparin supē kila kiena yumāena, sumā kila ke yumāena naña Ntewa mligan vena akila. ⁷ Sanene, monar akila sur punu ga naña mesmesun akila. Visae kilavaru na takis e lepas na kilavaru naña tesumā tetauluia, pona kilavaru tai naña monar tokoan vanon sur laþasa, na monar toulia. A

la naña apuarar ke yumñaena kerkeviu lala, pona kiela kia pa metava loyumña e ñarin supe lala, monar tekekaran la, mesmesun ga naña tevatanon la.

Li na lelagaena lala monar akila wo va yaru tañena lala

⁸ Suri tañena tai, naga e lepas na lapui la naña yaru la asumña akila. Visae kiomña lapui teke e yaru tai, monar olamaran vania torokin ga ya naña amiu lua apisaaria. A popon ositomyuli mëna sane kiomña lapui teke mëna e Ntewa, komin naga mla suri tai pan ko keviu manene rui. Suri nene naga sinesiena, a ko na monar olamaran ruru va yeririna tañena lala. Monar sinemña sisi la naña asike lavisin ko, komin yaru naña kila ke sanene, naga sane naga mlogear make navisaluaena kieno ne Ntewa rui.

⁹ Visena kar la moki sike loyumña e navisalu-aena, sane la naña apisa sanini, asape: Ve okila re kolau, pona ve owemär re yaru mare, pona ve ovinau re, a ve sinemña sun re suri kieno yaru tañena, a suri tañena la ne sanene. Ana visena na visaluaena make ga, asike vatanon pupia purpës nen navisaluaena tai naña pisa sanini, sape: Monar sinemña si yaru naña sike lavisin ko, okila wo vania sa naña osumña okila ke sina ga pan ko. ¹⁰ Yaru naña visae sinena si kemua yaru tañena lelaga, yoko naga tañatete nena kila sur naña viowa vania. Sanene, ñelaga na sinesiena yaru naga kilia kila sa naña sane okilia ologear make visena la naña Navisaluaena pisa. ¹¹ Ita na monar tekila ga ñelaga wo la naña,

komin nagane, pog pa ke narui. Monar tevisu kilale sane lavis pogos naña tesumal ruru narui, ve tomomalio re sina. Pogos naña ita temleлага mare ga na wa, ita tesitom tesape yoko Ntewa tamalia ita vetan yomarava nini pogos piavi ke ga wa, ana nagane, pimi ke lavisi rui.

¹² Nekilia nevisa sanini nesape lavis yemalo pisi, yomerarava sumña pimi mälivi, ana popon topisin ūelaga viowa lala na yemalolo, a monar towar sur na kilaen mara na ūelaga mesmesu na yomerarava, vena tekilia tomolue tevano vena tekila mara van sur viowa la nene. ¹³ Kieta malena monar mesmesu ruru wo, torokin naña tepe yeririna lala naña tesumña temial ke e yomerarava, a yoko monar teligan ūelaga viowa lala. Ve tekila re ūapägena kar la naña apulen ga kekarena na yomarava a yaru la amun wii vano-o akilalu ūarila lala. Ve tesumña tekila re suri naña yermene lala amio sira lala asumña aureurela kar ga sa ga nene, a asumña akila ke ūelaga namname lala. Ve tesumña teveveyun ita re, a ve tesikol ita re e vielueena lala. ¹⁴ Monar teligan ūelaga viowa naña tepaeme temio, a pe tesitomal re na taveveen kiena nasinenanena poli, ana sa naña tesumña temiyen ke mäta kulsota nowo e marana yeririna lala, monar teyen ūelaga mesmesu lala kiena ne Suñe Yesu Kristo e kieta malena, vena yeririna la avisu sane ita tepe kiena yeririna kemua la lelaga.

14

Popon li nalelagaena lala ve asumña avisa kare

la re sina vanon ga narin sur laþasa

¹ Erau lala, sineun nesape akilia sa naþa nemloge rui sane pupia visena tai sike e amiu nagane. Sane laþasa, kiela sitomena mok liu e sur laþasa, asape popon akila, pona viowa ga naþa akila, pona amaraun asape visae akila, sa þis Ntewa ve kekaran la re sina.

Sineun nesape la ne sanene, nepisu sane la pe apiawa re m  arera poli wa, ana pogos naþa asike amio ita, ve tekilali re naþa takawe manene laa, tekekaran naþa toure la. ² Sanene, yar laþasa akan kare ga kinanena lala amio m  ena tata punu ga lala, a yar laþasa asitom asape Ntewa sinenan sape avalia kinanena laþasa, pona avalia tata.

³ Ana sineun nesape nevisa van amiu visae ko tai naþa okan ke ga tata, ve ovisu re viowa e yaru naþa palia, a visae ko tai naþa opalia tata, ve oliþere re naga naþa sum  a kania, ovisave yoko Ntewa liþere naga vanonia. Ntewa kekaran make ita ga, ana amiu m  ena ga monar akekaran amiu. ⁴ Li naleлагаена make ga asum  a apisu ke ga Ntewa asape naga pe kiela suþe, ana naga ga kilia visa van la visave la veve taaga akila nene pona ve akila re nene. A sanene, pe pon re ita ga teliþere ita si poli. A Ntewa pisu yeririna laþasa akan tata, a laþasa pe akan re tata poli, ana naga kekaran la make ga, komin naga kilia naþa sape yoko Suþe Yesu kilia sum  a iila la silaga vena asum  a asum  al m  arera e naga.

⁵ A naga nene maran taaga e lepas na legiena lala. Yar laþasa amla legiena tai asape pe kiela

legiena wa, a yar laþasa apisu legiena lala asape maran taaga. Naga nene naga pogaga, ana ita make ga monar ita veve taaga tekila kiesta sitomena lala, ana tesu ea, ana ve tom areran re yaru taveve kiesta sitomena. ⁶ Yar naþa m areran sape la legiena tai sane kiena legiena wa, naga kila vanon sinenan sape visirlua kia kiena ne Ntewa ea. Yaru naþa kekaran sape kan suri make ga, naga pisa ke potena pa Ntewa vanonia, ana pogos naþa kinana, sum a pisirlua ke kiena kia. Yar naþa kila sane palia kinanena laþasa, naga m ena ga sum a kila ke naþa pisirlua kia kiena ne Ntewa, ana naga m ena sum a pisa ke potena pa Ntewa e kinanena taþena la naþa sum a kania. ⁷ Monar tesitom alia, sane pe yar re tai naþa kilia sike e yomarava nini sane yar taaga ga poli, vena kilaen sur make ga sa naþa naga taaga sinenania, a pe ita yar re tai naþa visae mare, ana sur nene pe kiena naga taaga ga. ⁸ Pe sa re nene poli, komin visae temali, temali naþa tevisirlua kia kiena Su e, a visae temare, temaren naþa tevisirlua kienakia. Sanene, sur make naþa tekila, monar tekila amio sitomena naþa sane pe tekila re ga kiesta nasinenanena poli, ana ita tepe kiena ne Ntewa, monar tetaveve ga kiena nasinenanena. ⁹ Nanene komin nanuane, siraun naþa Kristo mare, na sum alu mal sina, ana kila naga pimi pe sup en kiena yeririna la naþa amare, a pe sup en kiena yeririna la naþa amali, ana silaga monar tesu ga vatanon kiena nasinenanena.

¹⁰ Ana sanene, pogos naþa naleлагаena tai

sumña kila sur la taveve ūelaga marua kienā ne le Yu lala, ana sumña mliipere ke naleлагаena tařena nařa pe asumña akila re poli, naga nene na piowa manene laa pařisi. A pogos nařa yar tai ve kila re sanene, ana naga sumña pisu ke piowa e yar tařena nařa kila, nařa sane kienā puruvi tai loyumña e namratava kienā ne Ntewa, na nene pe ūelaga na mawaen tai.

Ve tesumña teliliřere ita re, komin nařa yoko ita make ga tesumalu tese marana Ntewa na wa, a yoko naga ke narui nařa visuveve ruru ya nařa ita make ga tekila. ¹¹ Sur nene sike e Nasirienna Wa la rui, nařa Ntewa pisi, pisape

*“In na nemal na nesike ne, ana nekilia nevisa ruru
sane pogos na pimi ke ne nařa yoko yar
make ga akinai vamon inu,
a yoko yar make ga avisawal avisave in ga taaga
nepe Ntewa.”* ^{Ais 45:23}

¹² Sanene, yoko ita make ga teim e marana Ntewa, a yoko monar ita make ga veve taaga tevisawal sur la nařa tesumña tekila, a naga ke narui yoko visuvevea.

Monar ve okila re kiomña erau tai kienā navi- awaena loru

¹³ Taveve sitomena la nene, ve tevisuveve manene ita re sina ga, tevisayu ya nařa yar tařena kila, tesape po pona piowa ga. Ana ya nařa ita li naleлагаena lala monar tesitomia vena tekila sina van ita, naga sanini, sane monar ve tekila re sur tai nařa kilia kila naleлагаena kila pal mrapa pona kilia kila naga loru e mlamulena viowa. ¹⁴ Sane visae nesitomveve inu, nekilia

nesape nesumñalar m̄arera ruru na nesike ne nemio Sūe Yesu, ana nemleлага m̄arera nesape tāpatete sur tai nāpa monar tevalia, ve takan re. A visave naleлагаena tai war sitomena visave kinanena tai pe torokin re kan po, naga pogaga, ana kana kinasa sane monar valia ruru nenaga, a ita tāpēna lala monar tetamān naga taveve kiena sitomena nene. ¹⁵ A visae ositom ovisave kinanena la torokin ga nakanena, okilia osumā okania, a visae kioma puruvi tāpēna tai naga valia, ve okilali re nāpa ovisave naga m̄ena ga monar kania. Visae peraga, yoko okilia okila kare nena kiena sitomena, a naga nene naga pe ūpelaga wo re kiena ne ita yar la nāpa sineta sisi ita poli. Monar tesitomāl tevisave Kristo maren nakilaen kieta malena imi wo, ana pe pon re tetamān narin sitomena e lepas na kinanena imi ve sur keviu nāpa sumā kila kare si kieta malena poli.

¹⁶ A tāpēna sina, visae sur tai nāpa ko opisu sane pogaga vena kilaena, naga pogaga, ana pe pon re nāpa osumā okila p̄isi na kila kare sitomena kiena naleлагаena tāpēna tai, vano-o kila yar tāpēna lala avisa kare kieta kia ita li naleлагаena lala vanonia. ¹⁷ E lele nene tesumā tepisayu visena la na lepas nene nāpa sape yoko tekilia tomun ya pona takan ya, pona monar tevalia namunena ya pona kinanena ya, ana monar ve sineta p̄esan re tesape nanene naga pe sur keviu re tai nene poli loyumā e nasūpenena kiena ne Ntewa. Ana kana pupia sur ne lala, nane nāpa ita tekila ūpelaga wo na malena mesmesu, a tese sumāre temio yar tāpēna lala,

a tetol kekarena naña Ninuna Wa sumña mlavia.
18 A pogos naña tela sur la nene ve keviu e kieta sitomena, tekila ke yumñaena wo naña Kristo sinenania, ana yoko Ntewa kekaran ita vañisi vanonia, a yoko yar tañena lala avisu sane po pañisi.

19 Sanene, silaga ita make ga monar tom̄areran li naña tekila ñelaga wo naña kilia ligā sumare sike e ita li naleлагаena lala, a naña aiila ita make ga kieta sitomena la imi marua nena napo.
20 Kinanena naga sane pe sur re ta nene poli, ana pe pon re tekila naga imi ve sur ta naña kila kare ke sina ga yumñaena wo naña Ntewa kila e malena kienā naleлагаena tañena la rui. Nepisa sanene, nesape kinanena make ga po torokin kanena, ana pe pon re okan sur tai narui yar tañena visuia ana kila naga loru, naga kila sur tai naña sitom sape pe popon re naga kila poli.
21 Ana kana ñelaga wo na kilaena naga sanini, sane ve okan re tata, pona ve omun re kuruta, pona ve okila re si sur tai, visae pogos naña kiomña puruvi visuia, kilia kila kare naga, kilia kila naga loru. **22** Sanene, visae kiomña sitomena lañasa e lañas na narin sur naña ositom osape pogaga nakilaena pona ositom osape pe pon re okila poli, naga pogaga, ana owarar ruru sumña ve kiamiu ga amiu lua Ntewa, ve ova olologon re e yo make ga. Yar naña kila ga ya naña naga kilia sape mesmesun ga naña kila, yoko Ntewa kekarania, a naga pe mlogue re piowagan poli sape kila sur piowa. **23** Ana visae yar nene kienā sitomena veve lua e lepas na ya naña

kilia kania, ana kan ga, yoko Ntewa tāpatete kekarania. Nanene komin nāpa yar nene sitom rui sape kila sur nene, pona pe po re e marana Ntewa poli yo, ana pe sur korena ga, naga kila ga. Sanene, naga kila pa mlamulen piowa narui, komin nāpa naga pe miyum̄ae re amio kiliaena e ya nāpa po pona piowa e navisuena kienā ne Ntewa.

15

Am̄areran li nāpa akila ke sina ga wo van amiu

¹ Ita mokliu nāpa tesum̄alu m̄arera ga tesike e Kristo, a pe kieta sitomena peve lua re poli e lepas na narin sur lala nāpa li naleлагаena tāpena lala asum̄a apeveyu ke ea. Ana ita na sanene, monar ve tekila re ga ya nāpa sinetan kilaena, ana monar tekila kieta sitomena la ve piayavi ruru wo va naleлагаena tāpena lala nāpa asitom ke asape tāpatete akila sur lāpasa nāpa tesitom tesape tekila woga ga. ² Ita make ga, monar tesitom̄al li naleлагаena tāpena la nāpa asike lavisin ita, a monar tekila ya nāpa la asitom asape po, vena akekarania, a vena iilaen kiela malena amio Sūpe. ³ Visae tesitom̄al Kristo, naga sike e yomarava naga pe kila re ya nāpa naga sinenan sape kila poli, ana naga pane pog m̄arera yam mokliu, akila pania sa nāpa visena tai na Tus na Yauena pisa, nāpa yar tai pis pa Ntewa, sape

“Visen viowa la nāpa akoven pan ko, akoven m̄ena pan inu maran taaga.” *Yauena 69:9*

⁴ Visena la ne sanene, nāpa asike e Nasiriena Wa la nanua sumo, asiria vena vian ruru itaen la

naña teim sirau, ana touloia, akilia akila kieta sitomena la märera ruruia vena ita mëna tekilia teva teyupor e pog märera lala. Visena la nene vena iila itaena, akila tekilia ruru tesape yoko monar tetaulu sur make la naña Ntewa pisaaria.

⁵ Sanene na, nemlen ke pa Ntewa vanon amiu, komin naga ke narui naga pe purþes nen sitomena viavi, naga ke narui naña kilia iilar malena kiena yaru, a nemlogin ke tania vena kila sane asumña ataveve þelaga kiena Kristo Yesu, asumña ruru ga veraga amio þelaga na ve taagaena, ⁶ naña kiamiu sitomena ve taaga a kiamiu visena ve taaga, ana yoko ayeluuar ruru Ntewa, naña naga pe armanane kieta Suþe Yesu Kristo.

⁷ Sanene, amiu le Yu lala, amio kam la naña pe ape Yu re poli, pogos naña asumña apim ke lele taaga, ana akekaran ga naña aworworun amiu punu ga aim loyumña, sa ga naña Kristo kekaran worworun itaena. Pogos naña visae akila ve sanene, naga pe mrapa si tai naña vena visirluaena kia kiena ne Ntewa. ⁸ A popon naña akila ve sa nene, komin Kristo pitomi e yomarava, pe kila re ga yumñaena pan le Yu la poli, ana kila mëna pan la naña pe ape Yu re poli. Sane e laþas kiena le Yu lala, kila ya naña Visena Wa kiena ne Ntewa pisa, kila naña navisaarena lala naña Ntewa kila pa apua kana le Yu lala, pimi pe lelaga. ⁹ A e lepas kiena la naña pe ape Yu re poli, naga kipianli lemamien kiena ne Ntewa pan la, kila vena ayeluaria, maran taaga e naña Siriena Wa la apisa. Tai naña pis þesania sike e Tus na Yauena, naña sape

“Nesike likan wolawa lala, nemieluar kiomña kia, yoko nelotun ko e yauena wa lala.” Yauena 18:49

10 A tañena, sike e Tus Navisaluaena lala, pisape
“Kam wolawa lala, aimi vai amio nena yeririna lala kienan ne Ntewa naña le Yu lala, amiu make ga akekara!” Naw 32:43

11 A tai sina sike sina e Tus na Yauena lala, sape
“Amiu naña pe ape Yu re poli, avisirlua kia kienan ne Ntewa,

Amiu yeririna na yo make ga aieluaria.” Yauena 117:1

12 A na maro molue kome Tus kienan Aisea, pisayu Navisaarena kienan le Yu lala, sape yoko naga sumon mëna la naña pe ape Yu re poli. Ana visena nene pisa sanini, sape

“Yoko lus kienan yermarua Sese tai mälivi, naña yoko Ntewa ligana naga metava ve supen li tañena la naña pe ape Yu re poli, ana yoko awasinea vena naga kila navisa ruruena kienan ne Ntewa imi mälivin la.” Ais 11:10

13 Ana nemlenin amiu sina pa Ntewa, naña tekilia towasine ga kienan visaarena lala, nemlogin vena awasine mä naga vano-o kienan kekarena make ga a kienan sumäre imi ulemamaga e kiamiu malena, ana kila vena märeraena kienan Ninuna Wa kilia yumäe e amiu vena kila sa naña amiu asumña aþasine ke kienan navisaarena lala, imi uleule va va sa nene.

Pol pisayu pa le Rom lala e lepas na kienan yumäena naña kila pa la naña pe ape Yu re poli

14 Erau lala, pe nesitom þele amiu re poli, ana nekilia ruru nesape amiu sinemiu la po papisi, akilia ruru sur la moki rui, a kam na atorokin

naña akilia avian amiu sina e visena kiena ne Ntewa la ve moki. ¹⁵ Sanene, pona ailan towe laa māk nini yo, apisu naña nesumālu nepisayu sur mārera la moki towe laa pan amiu sane, a nepisayu ke sina ga sur laῆasa naña pona kam na asape akilia yo rui. Ana nepisu sane monar nekila ve sa nene, komin Ntewa mligan nakiliaena nakilaen yumāena nene e lumāu vena nekila, sane nalaena wo tai, ¹⁶ vena neim sane yar na yumāena kiena Yesu Kristo vena visawalena Lologena Wo kiena ne Ntewa va yar la naña pe ape Yu re poli. Nekila yumāena nene, in na sane yar wa tai naña nemiyumāe ke loyumā e Yumā Wa māna Ntewa, nekila la naña pe ape Yu re poli vena aim ave wa ruru nenaga, neyawawo la e kia kiena Ninuna Wa, vena akilia aim sane nalaena wo tai naña pa Ntewa naña yoko kekaran vā̄pi. ¹⁷ Sanene, imimi lua Kristo Yesu memiyumāe ke veraga, a nekekaran naña inu mēna nekila ke yumāena kiena ne Ntewa kompasa. ¹⁸ Ve nevisin re kulin wowe, ana nekilia nevisave nōparwar inu pā̄pi e ya naña Kristo miyumāen pimi mālivī kome inu, komin nagane, imimi lua mōpere la naña pe ape Yu re poli apim lavisin Ntewa, asumā apatanonia. Nepisawal visena lala, nekila yumāena moki, ¹⁹ Ntewa kila kile la naña peve taῆena, namāreraena kiena Ninuna Wa miyumāe, ana kila sane lologena wo kiena Kristo pa vanua make nenaga e yo la moki, siar gar Yerusalem pa nena perina yalen silau pa tol pupia lepas naña Lirikam. ²⁰ Ana nepisu sane pe torok re poli wa, kiau sitomena mārera

tai tomā e inu naña sape monar neva laa sane wa. Ana pe nesitom re nesape neva e naña kia kiena ne Kristo pa pa e rui, komin pe sineun re nesikol yumñaena naña yar tañena siar pa rui, ana sineun nesape neva e yo naña yar la pe akilia re naga poli wa. ²¹ Nanene sane visena tai naña navisawalena Aisea pisawal nanua rui, naña pisayu Navisaarena, pisape

*“La naña pe yar pisawal re naga pan la poli wa,
yoko akilia avisu kilalea,
la naña pe amlogeli re kiena kia poli wa, yoko
alokekilalea.”*

Ais 52:15

Pol maplanar ruru naña va mālivin le Rom lala

²² Sa naña nepisa ña rui, yam mokliu naña sineun nesape neim nomālivin amiu gar Rom, ana nesumña nekila ke yumñaena la e yo tañena lala, a sur tañena mēna la moki pañisi pano-o pe nomāl re kana pulmas tai poli wa. ²³ Ana nagane, nepisu sane kiau yumñaena e lepas nini naña Esia sane ñisi narui, a sitomena naña sike e inu kas mokli rui, sane sineun nesape neim nomālivin amiu re, nomāpe pona woga ga yo narui. ²⁴ Nekila ruru ke nesape noure matan e nini neva yalen sila u gar pupia purvanua naña Spen, ana nesitom ke nesape yoko nokom pun amiu, vena tekilia tesu re veraga telual pog wo tai sanene temio ita sumo wa. Yoko tañatete nesike ve piavi ve sa naña sineunia, ana visae akilia akila sur lañasa vena iila inuena e kiau mrapa, yoko nela sina ga kiau mrapa nevano. ²⁵ Ana nanene pe nagane re poli, komin naña

yoko neva nokom ke ne Yerusalem sumo na wa, komin naña kiau narin yumñaena tai vena kilaen va li naleлагаena kiena ne Ntewa la naña asike e nene sumo. ²⁶ La asike e pog märera tai nagane, naña la mokliu pe kiela sur re poli, limala korena ga, ana pegas nen li naleлагаena la nae yo make ga naña Masitonja amio Kris, amloge, ana la ga aþar sitomena nene naña asape popon akuan kilavaru tai vena iila laena. ²⁷ Nanene sur wo tai naña akila taveve ga kiela sitomena, ana nepisu sane naga pe sur wo tai naña monar akila kemua. La nene pe ape Yu re poli, ana e kiela malena amio Suþe, aþar navisa ruruena moki kiena ne Ntewa pimi e la, kome le Yu lala, ana pogos naña le Yu la nene atol mëna ga pog märera, popon la naña pe ape Yu re poli, akila maran towe van la, aiila la e sur laþas naña limala plasania.

²⁸ Ana kilavaru nene naña amiyuwon poloia, amligan e lumña vena nowar vano, ana pogos naña neva neligan ruru sike amio le Yerusalem la narui, yoko nowasuþe in sina neim nokom pun amiu gar Rom, siraunia yoko neva yalen sila u gar Spen. ²⁹ A nemninu rui visae pogos naña noworun amiu, yoko wo na wo van ita make ga, yoko neim nemio navisa ruruena wo kiena ne Kristo la ve moki naña nevion van amiu.

³⁰ Erau lala, sineun nesape neviun manene van amiu e kia kiena kieta Suþe Yesu Kristo, nesape asitomäl in mä e kiamiu lenienaa lala. Nekilia nesape apulemamaga amio sinesienaa naña Ninuna Wa mlavia, ana popon alen wo

inu manenea, asikol kiamicu lenienam amio kiau lenienam naña noñion ke nesape nelen silaga.
³¹ Pogos naña nepa netol lepas naña Sutea vena neva Yerusalem, la mokliu naña pe sinelan re naña alelaga e Lologena Wo poli asike ea, ana pe nekilia re nesape yoko la asitom akila ya ne van inu, ana nemie awis pan amiu vena alen va Ntewa kilawo inu e kiela sitomena viowa lala e inu. A monar alen mëna ga sane li naleлагаena wa lala naña asike gar Yerusalem, yoko akekaran ala narin kilavaru naña yoko nekian van la.
³² Ana visae sur make ga torokin nasinenanena kiena ne Ntewa, yoko nekilia nomalivin amiu amio pupia kekarena na losineu, a yoko nekilia nesu ruru nemio amiu, neva ruru inu sumo wa.
³³ A in mëna nesumäa nemlen wo amiu, nesape yoko kieta Ntewa, purþes nen sumare, sike amio amiu vano-o ve uro re.

16

Pol pisawal sur laþasa pa li naleлагаena lala gar Rom

¹ Erau lala, sineun kaloen kiau mäki e visena laþasa e lepas na kam laþasa. E lepas na vineta naña Vipi, naña naga ke narui þar mäk nene pimi mälivin amiu, sineun akilia sa naña naga pe yaru na visuaren yumäena wo tai na þegas kiena ne li naleлагаena lala nae pulkumali naña Kenkria,
² ana popon akekaran naña aworworun naga, aure naga sane vinemiu tai loyumäa e namratava mäana Supë, sane torokin nenaga naña ita li naleлагаena lala tekila van ita. Awis aila naga e ya naña naga limana plasania, komin naña naga

pe sira wo tai naña pe erau wo amio imimi moki, miila ruru imimi po pañisi.

³ Sineun mëna ga nesape avisa kiau pokolulagi pona pokolemalo va sira wo tañena nene Priska, amio wona na yermëne Akwila, naña mepe yar na yumñaevaena e yumñaena kieno Kristo Yesu. ⁴ Lelaga naña, pogos tai nanua ne, nesike e lepas na marena rui, ana lalua akila naña lavis akilalu kielo malena naña apim atamalia inu, ana nepisa potena pan la vanon pañisi. A pe in ga taaga re poli, ana ñegas nen li nalelagaena tañena mëna lañasa e lepas nene la mëna apisa potena pan lalua vanon ya naña akila ne. ⁵ A pokolulagi pona pokolemalo naña nepisa pan lalua, sineun nevisa mëna va tañena la naña asumña loyumña e narin ñegas nen li nalelagaena lala naña apiora ke lele taaga e mala loyumña lalua.

Sineun nesape nevisa mëna ve sa nini va la nene, sane kiau erau wo naña Eñanatas, naña naga pe yar ñesa e pupia lepas na Esia naña naga mlelaga e Yesu, ⁶ a Maria, naña naga kila yumñaena wo moki likan amiu, ⁷ a yar lua tañena na kiau yo nene Antronikas amio Sunia, naña nanua ne imimi make ga mesike e yumña na koaena veraga. Nalologena lalua nene, lalua amlelaga e Yesu nanua rui, sumon inu, a lalua aþar kia wo pañisi e nalologena tañena lala.

⁸ Laþas ke sina ga, nane Ampliatas, naña Supë kila sane imimi lua mepe erau wo, ⁹ a Úpanas, naña memiyumñae lele taaga memio e lologena wo kieno Kristo, a kiau puruvi wo nene Stakis,

¹⁰ a Apelesi, naña pe sur koren ga naña pupia na kilaliena pimi pania, ana naga sumālu mārerera e Kristo.

A nevisa m̄ena pokolulagi a pokolemalō va la
ne mratava puna Aristopeulas,¹¹ a tāpena nāpa
imimi lua kiamimi visena taaga nane Erotian, a
li nalelagaena kiena namratava puna Narsisas,
¹² a sira wo lalua na yum̄aena kiena Sūpe nene,
Traepina amio luena Traeposa, a vineta m̄ena
nāpa Pesis, nāpa sineta si naga pāpisi, a naga kila
yum̄aena kiena Sūpe moki manene laa rui,¹³ a
Rupus, nasumonena wo na yum̄aena kiena Sūpe,
amio anena nāpa naga kila inu sa ga narina
nenaga.

¹⁴ A lañasina nane Asinkritas, Plekon, Emes, Patropas, a Emas, amio mëna puruvi tapena lanapa asike amio la, ¹⁵ a naga sina, pe sineupesan re Pilologas, Sulia, Nereas amio vinena, a Olimpas, amio li nalelagaena wa tapena lanapa akila lotena pa lele taaga.

16 Nekekaran naña nepitawé amiu make ga e kiau mäki nini, a amiu mëna monar aworworun ruru amiu, akila kiamicu sinesiena imi kate e namunen pipimiu e sinewoena. A ñegas nen li nalelagaena kieno Kristo mëna lala e lepas la nene apisawal asape asumña asitomäl amiu ke e kiela leniena lala.

17 Erau lala, nepiun m̄areran ke sina ga pam
amiu nesape monar avisu ruru la naña asumña
asiar ke veveyuena, akila ke li nalelagaena la
amliliþere la, a asumña akawe ke visena na
vianena la naña amiu atol pa rui. A pogos naña

apisu ruru la, ve ava re lavisin la. **18** Na nene komin naña yaru kar la ne sanene, pe akila re yumäena kiena kieta Suñe Kristo poli, ana la asumña ataveve ke ga kiela sinenanena viowa lala. Akilia avisawal sur ve moki naña wo na wo, ana visen kiki ga la ne, a asumña akilali nena sitomena ken yar la naña pe akilia ruru re sur poli. **19** La punu ga akilia ruru rui asape amiu asumña amlogear ruru ke visena lala kiena ne Ntewa, a nanene kila nekekara papisi, ana monar avisuar ruruia e lepas na sur naña po, monar yepemiu mae ruruia, a e lepas na sur viowa lala, monar ve kala narin namname tai to re nena e amiu.

20 A visae akila ve sa nene, yoko kila mrapa kiena kieta Ntewa na sumare, kila Yermare sike vatanon lolamiu lala vena aviemumuia. A kiau leniena nesape yoko lemamieno kiena kieta Suñe Yesu Kristo sike amio amiu.

21 Erau naña Timote naña imimi lua memiyumnae lele taaga, pisa pokolulagi a pokolemalo pan amiu, a la telu nene nae kiau yo, Lusias, Sason, amio Sosipata, la mëna apisa.

22 In naña nemlarar sur na siriena, nesiri maki kiena Pol nini pan amiu, kiau kia Tesias, a in mëna ga sineun nesape nekekara papisi naña nevitawe amiu e maki nini, e kia kiena Suñe.

23-24 Pogaga, inu si Pol nene nesiri ne, ana lavis nesiri make kiau maki narui, a pokolulagi a pokolemalo pimasu ke pan amiu, pimi kome la telu nene, Kaias, naña nesike e mana umä,

a naña li na lotena nae e yo nene asumña apim ke lele taaga e mñana umña, a Erastas, naña naga yerkawa na visuaren kilavaru na pulkumali nene, a kieta puruvi naña, Kotas.

²⁵ Ana e kiau visena maro, sineun nesape nela maran si nayeluarena make ga va Ntewa. Nemlen nesape yoko naga la visena la na Lologena Wo, amio navianena wo la naña apisayu Yesu Kristo naña nemla pan amiu rui, ligan ruru sike e kiamicu malena lala, vena asumal mñarera e legiena na pimi ke ne. Visena wo lelaga la nene, yar la pe akilia re poli e kas la moki þaro pa rui, ana nagane Ntewa kipian ita. ²⁶ Nanua, yar la apulo visena lala kienanavisauea lala, amninue asape visen lelaga la nene asike loyumña e la, ana nagane, mepisawal meraravania, a ita punu ga tekilia telogekilalea. A Ntewa, sane naga naña sike nakonua rui a yoko sike sike nena, naga pisaar sape Lologena Wo nene monar va vanua va yeririna na purvanua make ga, vena la mñena akilia alogé, a akilia alelaga ea.

²⁷ Naga taaga pe Ntewa, naga taaga pe purþes nen manmaruaena, a naga taaga naña Yesu Kristo kila kieta mrapa na lotunena, vano vano ve uro re pogos tai.

Inu, Pol.

**Lologena Wo Kienane Yesu Kristo Kome
Kewo**

**The New Testament in the Lewo Language of Epi
Island, Vanuatu**

**Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 11 Nov 2022 from source files dated 22 Nov 2019

ee028e1c-7e53-571d-8041-681daaf580e8